

10

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUN 22 1953

5443/2108(10)

兼濟堂詩集卷之十九目錄

五言律

園居卽事 二首

九日集模園 二首

戊子典試山西獲鹿道中過淮陰侯祠 四首

井陘西瞻白面將軍祠而嘆之

送友人南歸

送董良谷罷歸



兼濟堂詩集卷之十九目錄

五言律

園居卽事 二首

九日集樸園 二首

戊子典試山西獲鹿道中過淮陰侯祠 四首
井陘西瞻白面將軍祠而嘆之

送友人南歸

送董良合罷歸

金魚池上



PRINTED IN JAPAN
SUPPLIED BY
JAPAN PUBLICATIONS TRADING Co., LTD
TOKYO JAPAN
日本出版貿易株式会社

榆庄

霜雪變歲云暮耳目所觸無非淒切音容之遺

每形夢寐率成不覺其哀 二首

懷梁昭性村居 四首

送劉洪瞻侍御歸葬

過新樂觀伏羲臺浴兒池

過定興拜楊椒山墓

孫平侯柴東巡邀飲別館圓丘鬱鬱雨中萬家

凹澤僅二里有江湖萬千之象

苦雨自省垣歸邸

過傅掌蠹太史曉園

送李光宸給諫終養

柬友人

雪後懷環極魏都諫

寄高濶如官蜀閬中令

送辯若弟歸里 二首

送張東山年兄參藩江寧

送申鳧盟歸干平

春日憶山中園林寄諸弟

燕九節同猶龍諸友遊白雲觀 五首

送喬文衣歸里

送王康侯歸瘿陶時考中翰失意

送宮紫玄歸廣陵 二首

洪瞻劉年丈邀集徐園同猶龍太史青嶠給諫

卽賦 二首

咏螢 二首

送楊猶龍年丈赴晉臬

送友人白青玉歸

丙申清明日同白方玉蔡著雍兒勦游祖氏園

亭遂至萬泉寺

追送田鬚淵

讀呂新吾先生遺傳寄減之年丈

送高念東請告歸里

贈殷伯巖

寄梁昭性

贈彭士報

冬日飲半齋卽賦 二首

追送趙友沂中翰

送許傅巖請告歸里

談及孫北海著書

曬甲石

寄吳梅村中允

喜田髯淵至都

贈孫北海少宰

庭前柑子花開步田髯淵韻

紫場中賃地構堂曰如野作亭曰片雲每於公

退晚涼嘯咏其閒

送王成公歸江寧

懷太倉張無近掌科

戊申九月邀曹岷眉遊祖園並餞

寄桃源令舍弟喬訥

玉簪花皓潔色如凝脂花品之嘉者喜植于陰

地日多之則萎黃矣辛亥夏余居郡城酷暑

為虐僅餘喘息六月晦日墻下玉簪有臺翹

然其花將吐余於是感秋氣之將至煩暑之
欲退也况由斯以往七夕穿針中秋對月鴈
嘹唳而南征菊紛披而錯采甘果競進清酌
徐來其樂豈有極哉是知花之與時有消息
之義故為賦之

贈平子遠南遊

慰李灌叟青衿被黜

和霍龍淮遊娘子關水簾洞

送彭士報歸歸德並懷宋牧仲

庚申春日客有詢余以近有何樂者兼言二三

知己米珠薪桂感而咏之 四首

聞賀伯玉移居石窩舖有感

贈藁城羅蘋州父母

除歲

秋日雨中吟 十二首選六首

贈南和沈頤仙父母

和紀伯紫

咏錢礎日十峯草堂

贈平子遠為母祈詩

送龔彥吉旋武進

別少司農嚴絜菴

奉和爾和趙掌科

讀東鹿李方巖楚遊草即贈

夏日同李方巖張元裕過雕橋尚書里遂至石

屏禪院

過藥武子祠懷古

觀靜樓者既林李親家年臺園中新築之樓也

先既作亭種蓮蔭以垂柳余名之曰遠香茲

寄觀靜樓記文以示雖未得登眺而山川勝

槩漑林胸次浩浩已見之矣 二首

九月朔日坐玉樹軒觀雨

秋日聞鴈園丁自南村移竹栽巢雲亭左右

讀五代史

讀陸務觀劔南藁八十五卷終

子侄勳等壬子新春入滙景園閉戶喜咏

思友

寄魏環極光祿

哭亡弟辯若四首

壬子十月

壬子初冬偶作思楊方伯也

二首

癸丑初春奉和大道心一孔公祖年臺八居詩

一時作者林立魏子惟度為之首倡惟度名憲

閩人也

山居

巖居

樓居

茅居

廬居

船居

水居

村居

甲寅初秋有感

甲寅秋九月同勳兒遊城東北隅槐川書院有

感作二律紀之 二首

九月廿一日夜雨喜作

和張元裕南湖泛舟答謝元韻

再贈平子毫

乙卯中秋京師出兵赴荊州時傳言將渡江進

取也廿一至廿三連日夜雨 二首

後秋興八首 選六首

過井陘

登小峴

笑草玄

祀信陵

悲常山

奇毛遂

乙卯九月有懷泥河張元裕詩壇

賀白仲調補中行

燕臺秋興 八首選四首

將赴魏村山居寄社友喬百一

趙閭源九日約觀菊阻雨不果

千秋臺

野鷄舖

真定府

樂城郵舍

九日登城南崔府君廟

述懷 八首選四首

和梁敷五太史雨中見懷

李腹公內翰見顧述懷奉贈

贈姜真源巡視茶馬

服闋赴都至中山 自此以下壬辰年以後作

春日過蘆溝橋

送蘇文昌同年會試不第回國

又挽二如孫中丞

入直遇雪

秋夜

和楊猶龍作

奉贈青壇成閣老

和法黃石太史

宴丘節同猶龍文衣觀仲溪遊白雲觀

哭堯山梁村程祖母舅

和亦菴金年兄夜酌論詩作

清明日同諸年友送葬彰義門外過天寧寺觀

塔因憶先塋有感

小亭新成猶龍晚過納涼卽和前韻

寄竟甫兄防河彭城

送田髯淵歸雲間

餽龔芝麓涑酒和韻

送薛行塢請告歸省

贈仲芳錢年丈

鄧元昭邀看海棠於慈仁寺

送衛卽孫請告歸里

送楊悔菴之江南

送黃于石之嶧縣

太行晚翠

光武遺蹤

送徐元文

送秦留仙檢討請假歸無錫

興勝寺花園內有高樓三層

高梁橋在西直門外橋西有王墓

彭城放鶴亭

冢兄竟甫築草亭於防河公署榜曰馴鶴蓋繼

放鶴而後有此亭也

送王雪麓之鳳陽

懷猶龍楊方伯時在四川

和龔芝麓韻

奉送朱蒿菴都諫謫閩

大行皇帝哀詩 八首

題楊椒山為龔梅軒書梅卷

贈谷席之歸里

薊州懷古 二首

喜吳修齡自崑山至

輓四川方伯楊猶龍 十二首

坦園李老年兄招飲西軒少傅衛聞石先生有

咏次韻奉和

和李君渥親家

送葉眉初之任貴州司理

咏雲峯高公闔門殉節

丙午八月請告歸里縉紳先生送我於國門之

外者車馬數百日暮乃得南行

寄餞送諸公

懷關

至真定

至里

奉送增美劉年兄祭告泰嶽東海

送簡文選督學江南

送譚舟石赴榆林

贈黃之抱甕園

贈臨城喬百一

丙辰仲秋輓潮陽太守麗榆叔不受偽職病故

潮州

夜飲北玉齋兼寄田髯淵

和梁敷五戊午除夕

又和已未元夜

送堵乾三歸無錫

僕人王棟壬子春南遊武當山

坐忘

壽通許令弟倫淑

奉和孔心一公祖咏宋子飛只可山房 四首

奉和麗雪崖詞林見詢

楊子元授中書舍人

奉輓荆石蔡年侄宦客

輓馮子韶

奉輓閩督觀公范老世兄盡節和少司農環溪

魏年翁原韻

贈張元裕

丁巳正月廿五日馮公述邀飲於友竹齋

丁巳九月登馬鞍山是日有家兄竟甫兒勳同

友人李聖之白見先

丁巳十月輓申鳧盟 二首

元昭鄧太史契濶久矣每承憶念縞帶紵衣之

雅情同僑札兒勤過江拜之床下適館授祭
慙慙無已愧乏瓊報書懷以寄

和張元裕

辛酉初春偶思閑中之樂遂成八律

選三首

贈晉州郭父母

兼濟堂詩集選卷之十九

栢鄉魏裔介貞菴著

男荔彤編輯

五言律

園居卽事

爲園依堞雉蒼鬱亦羣山霞帶秋光淨雲收野鶴還
移花遮曲逕激水下松關酒史茶經外吾生聊復閒

其二

小築樂餘年此生聊可寄崇臺映赤霞芳沼羅青茭
率爾壺觴閒澹然丘壑致余非灌園人不廢於陵意

九日集樸園

萬古重陽日人生向此過愁催雙鬢短青入一園多
遙岫懸高雉平橋綴晚荷菊觴頻喚取遮莫醉顏酡

其二

移樽登小閣雲物晚來清烟外霜砧落霜前白鴈橫
寒山吞暮日流水匝孤城登眺悲今古長吟賴友生

戊子典試山西獲鹿道中過漢淮陰侯祠

望望行將夕孤城起暮煙沙深遲倦馬野濶響孤蟬
鬼哭韓侯廟雲崩背水川明朝九曲路叱馭莫迤邐

其二

大漢承天運偉哉命世才土門赤幟出河朔陣雲開
相背豈君意假王是禍胎未央鐘失血憤懣有餘哀

其三

咄咄蒯通計豈知烈士行秘謀羞絳灌武畧失良平
漢世無茅土中原幾戰爭拜瞻遺像肅古廟近荒城

其四

令人書不載告變豈無欺赤族酬龍準扁舟媿子皮
奇兵吞趙魏古屋泣熊羆呂雉誠多詐空令漂母悲

井陘西瞻白面將軍祠而嘆之

漢軍輕轉戰天數豈能爭身死井陘口人傳白面名

亂山堆落日古木窳寒颺可恨左車子區區尚戀生

趙將也與韓信戰死
土人祀之無姓名

送友人南歸

山色猶如晉遊人欲向吳輕鯨浮淺渚高鳥下平蕪

澹澹秋雲沒荒荒白日徂亂峯戴古驛征馬正踟躕

送董良合罷歸

懷君非以祿歸去豈夷猶楚水春烟暖吳山翠色稠

歌詩空正始採藥問丹丘好息垂天翼扶搖萬里游

金魚池上

晴日遊芳沼凭欄歌有臺錦鱗冲小艇幽鳥哢疎槐

山遠雲常沒堤平水自迴憂時空灑淚對酒欲停杯

榆庄

逐隊豈吾願尋幽事事嘉春寒蜂護蜜地僻鳥棲花

落日山粧靚孤村烟縷斜欵扉有野客白酒向鄰賒

霜露變歲云暮耳目所觸無非淒切音容之遺

每形夢寐枕上率成不覺其哀

薄宦嗟身世升沈未敢羣已甘違畫省終愧隱江濱
紙上逢青眼夢中望白雲高寒兼永夜先覺曉鐘聞

其二

忙時悲雙失淒涼獨此身飄風拂素枕孤月冷松筠
尚媿臯魚死徒傷孫綽心嗟哉乘化者松梓自爲鄰

懷梁昭性村居

下帷非好隱萬卷擁奇書夢草能華筆然藜自照廬
淳水殘虹歛秋風白鴈疎停橈訪戴者幽興欲同居

其二

君有桃源意溪流自可尋山開懷墓地人齒麕麋心
秋晚收梁稻婦賢供織紵空園無一事明房伴孤斟

其三

習靜宜秋野高人養跡深暝雲歸草合曙色耀高林
雨霽蔬堪摘庭閒鳥自吟攜琴思一造共醉結樺陰

其四

曠野能收道况逢琴瑟秋山雲不作雨浦水亦生愁
奇字窮三易高懷隘九州花閒無日課晏起而科頭

送劉淇瞻侍御歸葬

契濶情何限啣哀腸斷時因君風水感切我蔚蒿思
望望丹旌遠行行白馬嘶永懷他日夢應在坏山西
過新樂觀伏羲臺浴兒池

萬古真元氣獨鍾至聖身龍圖開道奧鳥跡佑斯人
野色空池綠荒臺晚樹春遺經有卦象俯仰盡經綸
過定興拜楊椒山墓

何世無龍比哀君王佐姿孤墳留易水碧血黯荒祠
正氣無今古招魂有歲時白溝舊蹶壘樵徑野風吹
孫平侯柴東巡邀飲別館圓丘鬱鬱雨中萬家

凹澤僅二里有江湖萬千之象

清曠來風雨寒塘欲醉漚翠微封古寺紅遠障飛樓
冥色春城晚清言方丈幽因思淮北日天際掛歸舟
苦雨自省垣歸却

彼蒼不可問積雨漫長空萬竈浮烟杳層城御液通
水衣緣壁上野鶩起庭中左掖歸來晚憂懷賦草蟲
過傅掌雷太史曉園

自有滄洲意瀟然三徑清藉花能醉客坐樹不妨鶯
著迹淹風雨交遊念死生濁醪君不惜一陪一回醒

送李光宸給諫終養

君奉高堂去白雲歸路長瓦橋漫野水花嶼度春光

青瑣桐陰寂皂囊諫草燕容城居最近著述莫相忘

瓦橋花嶼
皆在上谷

柬友人

天地欒槍滿山河景物移丹鷄盟石友柿葉寫新詩
道以遲能重書因悟轉疑中原高戰伐運甓是吾師

雪後懷環極魏都詩

世事榮枯見人情陵谷紛青山久念我白雪猶如君

曝背分朝旭書灰共夜分灞橋何處是高臥惜離羣
寄高溫如官蜀閬中令

來往三巴路王程計幾千千戈依戰壘涕泪見人烟
白日鳥身聚高原豺虎眠家書三月少秋月正孤懸
送辯若弟歸里

薄俗恥高隱歸與其若何寒雲起涿鹿秋色滿滹沱
執手聲中淚離觴醉復歌乘時方努力中歲易蹉跎

其二

梁鴻久越日季子遊燕時爲客誰青眼還家是白眉

兼濟堂詩集選 卷之十九 九 音江言月金

分金何足語樹德莫如滋尚媿姜家被搖搖念故籬
送張東山年兄叅藩江寧

雪裏驚分手離筵一放歌吳江楓色冷晉色暮雲多
詩卷應常寄松風夢自過六朝餘勝跡北眺盡寒波

送申鳧盟歸干平

結茅洛水上韻骨自珊珊縫掖驚皇甫噫歌避伯鸞
詩名燕市噪樽酒夜燈寒白雪空山裏何人歌猗蘭

春日憶山中園林寄諸弟

雪霽長安道風吹遊子顏高齋春不暖獨臥夢常閒

古樹家寒鳥白雲鎖故山同胞應念我何處下松關

燕九節同猶龍諸友遊白雲觀

寥落白雲觀人傳太極宮古碑餘曩曩至道是崆峒
蕉鹿成今古亡羊有異同狂歌吾輩在懸解問天公

其二

薄暮思無已登高覽廢城徘徊今日事慷慨古人情
寺挾雙峯起雲留片雪喇選丹如可就禽尚願同行

其三

為愛春陽好透迤傍水隈臨觴飛鳥過跌坐野雲開

兼濟堂詩集選 卷之十九 七 龍工書完稿

諸岫紛相接仙人去不來欲尋真樂事莫遣髮毛催
其四

冥心求靜者一徑入雲烟雪霽峯巒曉天高堞雉懸
華池一井現金液幾人傳惆悵白雲事聯鑣日暮還
其五

冉冉雲中起先生不可留扶筇凌海嶽脫屣視王侯
瑤草壺中覓元珠象外求只今憑弔處惟有晚山稠

送喬文衣歸哩

愛爾悲歌士官舉志不違聞鷄提劍舞秉燭惜花飛

春促燕山月青歸泚上薇著書蒲石室伯玉正知非

送王康侯歸瘦陶時考中翰失意

同學登樞要君成汗漫遊世方輕鸞鷲吾自重驂騑
春草斜陽路荒原野渡舟潛夫遺論在仰止足藏修
送宮紫玄歸廣陵

秋盡寒山出旅人不可留劍光衝暮雨霜氣冷征裘
薊北黃金貴淮南桂樹幽送君從此始濯足大江流
其二

出處關千古君歸意若何酒徒燕市散海色廣陵多

世事憐芻狗吾生愛薜蘿草堂春雨足蒔藥養天和
洪瞻劉年丈邀集徐園同猶龍太史青嶠給諫

卽賦

兩度尋幽勝開筵對晚霞驚灘集網罟秋燕過蒹葭
堞雉悲今古笙歌沸草花談心終不倦愁聽暮吹笳

其二

縱下憂時淚何妨醉碧岑虛檐侵易道危檻迫濤音
晚水斜陽照高城岸柳陰忽驚雙鬢老燒燭共長吟

咏螢

記言螢處晦而明有君子之道故詩中及之

熠燿乘良候因風掛夕扉自憐身渺渺敢羨鳥飛飛
向月光偏杳依花氣更微秋來雷雨急何處掩清輝

其二

入室復依檐凌空不碍簾偏宜秋徑澹豈愛暑風炎
高下疑星墜參差畏露霑孤光廿一燭不敢効幽潛

送楊猶龍年丈赴晉臬

十載稱良友胡爲四牡駢無言可用贈有淚欲同揮
出處旣如此文章寧遂微芳名各自保庶共芟荷衣
送友人白青玉歸

故園一片月相照
共生平儉歲無憂色
山田惟力耕
床頭留舊釀
世事盡浮名
余亦明年去
閒看春草生

丙申清明日同白方玉蔡著雍兒勦游祖氏園

亭遂至萬泉寺 祖氏者將軍大壽也其園右安門外

倦眼宜春放青青
任馬蹄名花發石岸
新水漲前溪
虛閣清風入梵居
古樹齊尋源
好策杖猶欲過橋西

追送田髯淵

數日勞鞅掌
悵然君遠行
飛蝗殘晚稼
積雨黯秋城
前路龜山蔽
孤舟吳月并
華屋有醴酒
誰與聽啼鶯

讀呂新吾先生遺傳寄減之年丈 新吾諱坤萬昏朝進上官

至少司寇所著甚富有呻吟語等書蓋白沙甘泉之伯仲

大道亡羊久茫茫
孰與尋哲人
起往代遺像
肅秋陰
白日光明氣
名山風雨心
兄隨蘭譜後
鍾呂遡遺音

送高念東請告歸里

澹然無世慮
秋雨茂陵人
偶爾華簪脫
何妨藥裏親
青山好曳杖
新月漫垂綸
舊有丹丘侶
應同臥草茵

贈殷伯巖

伯巖鷄澤人曾為睢寧令棄官歸與楊猶龍友又與白涵三講求性命之學遊五岳名山

能詩戊戌秋至都即旋余賦此追贈之

不作淮南令歸來事枯槁
名山多杖屨田舍有風騷
爽氣虬鬚動清言河漢高
卜鄰已有願終共隱蓬蒿

寄梁昭性

爾汝當年契于今情倍殷
高齋留舊墨春柳寄停雲
朗照何時醉清心得妙聞
平生燕趙氣慷慨惜離羣

贈彭士報

博雅稱彭子追隨已數年
賦成梁苑雪丹鍊玉芝田
酷愛猶龍氏更誰
眠忘形真老友不受世人憐

冬日飲半齋即賦

斗室春生暖雪餘晴色多
高談消塊壘美酒憶滹沱
調饌添新味臨池存舊鵝
巖城猶未禁乘月到烟蘿

其二

言念尊羹美君恩未可違
故人相對飲明月照鳥飛
雪色歸青鬢梅花發舊幃
明年更有約火樹燦春衣

追送趙友沂中翰

鞅掌真多事蹉跎媿玉山
名文華日月孝節動鄉關
湘水孤帆濶廣陵舊業閒
連城知國寶大雅佇君還

送許傅巖請告歸里

直節中朝著兵機闔外聞
息心甘入道掛席已離羣
詩老浣花法才高月旦分
百泉多隱逸懷古共慙慙
談及孫北海著書

鄙上家聲舊江干意氣真
元黃悲往事水火嘆生民
靜色來三徑高談動四鄰
著書有北海猶欲裒清塵

曬甲石 在山澗側

親見隋煬事征遼又復然
憫忠焚戰骨掛甲向山尖
流水今猶古白雲去不還
士人三兩輩艷說大唐年

寄吳梅村中允 時得二子

三年別海上憶爾望金臺
子鼎軒皇去山河庾信哀
桃花存舊譜梅影漾新懷
再索雙珠樹欣覘吐鳳才
喜田髯淵至都

占斷烟霞處復來燕市遊
絃歌空有待松菊已無愁
亭敞延虛月詩窮共敝裘
相期千載秘不是爲封侯
贈孫北海少宰

當代純心者如公有幾人
蘭亭得秘蹟伊洛是功臣
花發吟晴日窓虛度晚春
邵年能入室快見關荆榛

庭前柑子花開步田髯淵韻

漕輓依航至移來錦石傍
白花紛自喜野色動微涼
黃待東籬菊清分別院香
晚霞人醉後猶憶故林霜
柴塲中賃地構堂曰如野
作亭曰片雲每於公
退晚涼嘯咏其閒

避人成小築彷彿似山家
仄徑偏宜石疎櫺不厭花
夜談得老友汲井煮新茶
綠野他年事誰云此興賒
送王成公歸江寧

春日買歸舟高齋雪夜留
雲山從此遠書劒幾番愁

嶼舫聞佳話秦淮擬勝遊
他年相憶處明月照蘆溝

懷太倉張無近掌科

梧掖曾聯袂直言天下聞
酣歌燕市酒獨卧洞庭雲
教子修鸞翮著書尊典墳
風流知未歇數載惜離羣
戊申九日邀曹峨眉遊祖園並餞

澄懷逢菊節挈友上湖亭
曲愛花閒度山憐雨後青
閒雲栖古堞睡鴨隱深汀
瞥掛江帆去寧甘作客星
寄桃源令舍弟裔訥

近得桃源信舊河水漸通
一宮如垤蟻百里盡哀鴻

鍾畚回天意殷憂動聖躬好將循卓蹟媲美古人功
玉簪花皓潔色如凝脂花品之嘉者喜植于陰
地日炙之則萎黃矣辛亥夏余居郡城酷暑
爲虐僅餘喘息六月晦日墻下玉簪有臺翹
然其花將吐余於是感秋氣之將至煩暑之
欲退也况由斯以往七夕穿針中秋對月鴻
嘹唳而南征菊紛披而錯采甘果競進清酌
徐來其樂豈有極哉是知花之與時有消息
之義故爲賦之

煩暑擬將退幽花叶一莖不爭桃李色豈有綺羅情
澹澹迎秋氣娟娟對晚晴應知先桂菊芳馥滿檐盈

贈平子遠南遊

愛寂居深巷壺觴留故人一肩行李瘦半載見聞新
聞粵催遊履江湖憶釣緡懷恩頗看劍何必嘆沈淪
慰李灌叟青衿被黜

一衿何足戀髦耄分宜休嫗老能炊粟孫癡可飯牛
壽山常抱屋煙樹自依丘嘆息人間事終同逝水流
和霍龍淮遊娘子關水簾洞

林下多幽事秋遊娘子關濃花開洞口老樹接溪灣
瀑起空中月猿啼雨後山丹丘應不遠乘興好躋攀
送彭士報歸歸德並懷宋牧仲

千里時相憶魚書意若何士窮俠骨在金盞酒顏酡
鄙上悲歌舊梁園風雅多衰年惜老友誰與醉烟蘿

庚申春日客有詢余以近有何樂者兼言二三

知己米珠薪桂感而咏之 四首

萬事都成假吾生爲最真宦情薄似紙詩興不無神
歲月催行旅雲山若待人書空咄咄者小草竟何因

其二

偶而三槐座今宜二仲延那知真樂地不在貴乘軒
詞賦驚前輩功名讓後賢庭前花燦發許我醉如顛

其三

世上風波險人情嘖笑難但存夢幻想應作鼠虫觀
玉粒常須索金蛇豈借看鷄聲連畫角未足擾漁竿

其四

濟濟衣冠會英英文字雄有山藏霧豹指日夢非熊
誰解越中橐空憐國士風登高憑弔處寂寞古今同

聞賀伯玉移居石窩舖有感

何處逃魑魅石窩可卜居盟心甘白水避世有蝸廬
一逕山樵喜半床花氣虛幽棲吾素志欲共種園蔬

贈藁城羅蘋州父母

瀛海沐恩波政成人物和滹濱移化雨嶽色潤鳴珂
經世廉名著君章藻思多陽回欣道長桃李滿菁莪

除歲

雪霽風猶緊柴門閉寂寥典衣供吏檄沽酒話清宵
除歲無侘子迎新有栢椒詩人尋伴侶吾道未全消

八人
川之

秋日雨中吟 十二首選六首

最愛雨中景淒淒懷友心層城高鳥下遠樹暮鐘深
老覺風欺齒愁因月照砧茫茫此世界豈盡少知音

其二

寂寞無人問空齋別有天微風吹岸草細雨洒平阡
肺熱新停酒蔬成不用錢村童教識字好使檢書箋

其三

昔日談王霸今朝學圃農雞豚時自牧飲啄與人同

痛哭空懷古狂歌擬送窮夜來白露至已滿菊花叢
其四

空堦聞雨滴秋草日霏霏但惜故人少不知生事微
官貧餘糶架計拙有林梅儉食供軍國何能發舊醅
其五

霖雨斷人行纔聞鴈有聲長沙連歲戰東粵一朝平
聖主恩寬大將軍氣縱橫兵戈如可洗努力事躬耕
其六

晚年耽退靜閉戶自潛藏栽樹多成果移花已半塲

捲簾看蛺蝶撒網上漁梁更得延生訣龍宮檢異方

贈南和沈頤仙父母

仙命自中州休文風度優雪霑麥隴足雲映錦堂稠
冬日新添線陽和羣獻謳南山徵福祿惠澤藹春流

七言律

奉贈孫北海先生

靈光歸峙幾人存，古道長安獨閉門。
三代昇彝蝌蚪篆，四朝史冊鑿衡尊。
身形似鶴無丹竈，書法如鸞自
翥騫。此去故園春草長，好依明月夢前軒。

送張螺浮掌科請告歸里

人物今稱姚宋儔，濃花晴日起離愁。
宦情瀟洒浮雲在，世事風波江水流。
諫草常留旌折檻，新詩獨賦憶披裘。
伯牙臺上琴聲遠，何處蒹葭一葉舟。

張螺浮都諫夢中有十年霜雪老黃門之句諸
公奉和因次元韻

十年霜雪老黃門去國名高道益尊
領下批鱗身欲粉虞淵取日手無痕
牛衣對泣孤臣淚宣室陳言漢
帝恩華髮相逢驚歲晚歌風重續石壕村

其二

十年霜雪老黃門抗疏朝陽君父尊
流水高山風自古青天碧海月無痕
悲歌燕市留臣節擁棹荆江念
主恩可惜扁舟今又去春花如綺照孤村

和大宗伯龔芝麓元韻

脂中計日指槐陽話舊情深感慨長
共許文章能報國豈知鬢髮各成蒼
人如北海尊常在歸向東籬菊
未荒旋馬廳前居第隘蕭然那得橐中裝

別同門石仲生年兄

昔年會共侍廬陵祖帳仙舟舊友朋
豈謂驪駒堪太息莫言騷賦自多能
雲間高鳥翺千仞天外孤峯矗
萬層聞道故鄉春雨足菰蘆深處掛漁罾

和高陽李坦園相國

無才寧敢玷崇班歲月驅馳指顧閒縹緲五雲瞻紫
極逍遙一杖到青山太平春酒人同醉柳野茅堂天
賜閒自有夔龍思補袞著簪求舊可能還

和寶坻杜純一相國

版泉南度近恒山却望彤庭豹尾班自是相如多臥
病非關白傅愛投閒當公綸綍憂勞日愧我雲霞縹
緲閒此去杖藜尋藥餌何時咨傲覲 天顏

和紀伯紫

鍾山醉老太平春自與雲霞道氣親三代尚存惟我

百年獨步見斯人久居深巷絕華轍恥向侯門立
錦茵高隱從來思濟世慙慙屬我作良臣

咏錢礎日十峯草堂

梁溪亦是先賢地萬古常留泰伯墳書屋深藏南嶽
氣茅亭時遶太湖雲百年皂帽狂歌慣三世青箱奇
字聞丘壑烟霞絕外事子孫相約共耕耘

贈平子遠爲母祈詩

簇簇春花滿帝京途窮誰復念書生一肩行李煙雲
色雙劍飄零菽水情京兆可能識賈島夷門終是老

侯羸燕巢華屋知何處欲向山田努力耕

送龔彥吉旋武進

星輅將發趨吾廬聞道歸歟待板輿華國才宜游上苑
亢宗綬合佩金魚任公臺上鄉思遠泰伯城邊古木疎
旋軫若能相問訊午橋莊畔有樵漁

別少司農嚴黎菴

楚江風度邈難儔裕國今推第一流自愛歌騷追宋玉
更知清妙似莊周焚膏曾共棘闈硯看月遙憐赤壁秋
此去叢臺頻悵望滄浪好句寄滄洲

奉和爾和趙掌科

天垣左掖近承明稷契常懷戒滿盈午夜滂流太傅策
千家圖繪監門情多君獻替心無已愧我謀猷績未成
車過蘆溝頻竚望遲遲周道野人迎

讀東鹿李方巖楚遊草卽贈

一卷新詩楚水頭歷冬及夏始廻舟雲飄僧舍茶煙歇
時看高風酒力稠慢世敢誇鸚鵡賦逢人先解鷓鷯裘
可憐逆旅輕奇士芳草王孫自倦遊

夏日同李方巖張元裕過雕橋尚書里遂至石

屏禪院

蘭若幽樓遠市城西南形勢翠雲橫細泉斜映池荷
色密葉深藏好鳥聲偶借禪床分午夢便攜村醴過
柴荆野人不必知名姓十載蓬萊殿上行

過樂武子祠懷古

有客衝炎到古臺淒涼祠宇使人哀風搖麥隴留殘
粒案缺爐煙有敗灰大陸東瞻水欲涸太行西望翠
成堆歸來重檢丘明傳誰是當年僑份才

時天
大旱

觀靜樓者漑林李親家年臺園中新築之樓也

先既作亭種蓮蔭以垂柳余名之曰遠香

寄觀靜樓記文以示雖未得登眺而山川勝

槩漑林胸次浩浩已見之矣

風塵冉冉送居諸為愛煙霞返舊廬野水時來侵竹
逕閒雲偏欲傍松除晴看大陸當窓盡醉俯衡漳人
望餘危坐不知秋漸老槿花榮落復何如

其二

聞君頗好仙人居檐外飛雲動碧虛濟物功成應拂
袖澄心獨得喜懸車拋殘午夢聞啼鳥讀罷黃庭摘

圃蔬最愛芙蓉深密處喬林朱檻遠香初

九月朔日坐玉樹軒觀雨

節近重陽景物新高齋趺坐靜無塵鴉藏深樹知觀
兩花出嬌容似向春栖畝餘禾添粒子開鏹舊釀醉
閑人煙霞世外真堪賞誰是先憂後樂身

秋日聞鴈園丁自南村移竹栽巢雲亭左右

少年曾志五湖遊金馬歸來欲白頭幾朵菊開菊圃
淚一行鴈帶鴈門秋長安卿相交情淡故里風花晚
節稠更有茅亭添勝事移來翠竹滿平疇

讀五代史

濁醪澆盡柰愁何五代紛紛逐逝波纔見全忠雄汴
水倏聞亞子渡黃河西川王孟成翻掌洛邑優伶自
倒戈花項幾年爲帝業澤民善政史編多

讀陸務觀劔南藁八十五卷終

南渡詩家有放翁才高不與衆人同心如秋水湖干
頃筆抵春山翠萬叢報國有懷入畫角學仙得力似
冥鴻晚年獲此真良友寒夜蕭蕭醉碧筒

子姪勸等壬子新春入滙景園閉戶喜咏

罷相歸來問芰荷
荒園老屋映庭柯
文章應許如班馬
詩賦還應擬李何
偶向曇華尋寂樂
時烹香茗對藤蘿
春來桃李爭先發
喜見烏衣磊落多

思友

嘆息年來萬事非
友朋零落更何依
且亭詩在春雲黯
劍閣人亡旅襯歸
幾卷佳書延歲月
一鎗香茗對漁磯
黃冠緇衲為朋侶
猶勝風波鬪巧機

寄魏環極光祿

樹雲阻隔此心同
十載煙霞夢寐中
溫清人知如閔

損經綸羣望似姚崇
著書成帙名山業
飲酒多方樂

聖功退谷先生好
晤對籐花亭下晚
香叢退谷孫北海先生也

哭亡弟辯若四首壬子十月

垂髫曾共誦奇書
自許才華世不如
蹭蹬中年始發蹟
迤邐一令便懸車
治留棠蔭稱遺愛
詩積青箱走蠹魚
此後五人中少爾
臨風洒淚滿衣裾

其二

人間生死本尋常
妄作誰齊彭與殤
子業成名亦足矣
官卑賈志實堪傷
三秋脾病乏良藥
一夜樓成下

玉章友愛棣華腸欲斷撫琴回首倍悽愴

其三

落落寧甘滯一丘高才原不遜瀛洲風雲未湊愁鷹
隼蹠變長鳴困駢駟槐水細流波慘澹行山舊隱樹
綢繆臨漳不起中郎哭埋玉蕭蕭馬鬣秋

其四

諸昆濟濟樂笙簧九日猶同宴一望叢菊花殘陶令
死青山酒渴謫仙亡柳莊作賦空驢背午水臨流罷
賢航寄語任曹須秘惜生平著作謹收藏

壬子初冬偶作思楊方伯也

老來無友亦堪傷閱盡朝華與夕陽曾許且亭續子
美誰知河內殞稽康孤城畫角樓空倚紫塞征鴻背
有霜聊與鄉人忘爾我風流今識展禽狂

其二

滿眼江河日下流蒼茫獨掉一孤舟孔方到處人成
癖蘭臭一朝忽向秋高尚豈無廊廟志林泉亦有圃
農憂強呼賢聖杯中起酬酢何庸與世謀

癸丑初春奉和
大名道心一孔公祖年臺八居

詩一時作者林立魏子惟度爲之首倡惟度名憲閩人也

山居

曾愛巉岈澗下溪卜居深在數峯西白雲自轉庭前樹天籟時聞窓外鷄逕險不妨樵擔度峯高時見鳥飛齊春生洞壑恣妍秀何處子規半夜啼

巖居

幽深一室抱前溪甕牖繩樞嵐障西樹杪飛泉驚瀑布隣家報午寂鳴鷄炊成世外青精飯看到人間物

我齊門外青山自太古春林簇簇野禽啼

樓居

斷壁紅深隔一溪雙丸飛渡自東西不將鳩拙思乘鳳欲學鵬搏笑鬪鷄寶瑟網灰偕燕老方瞳鶴駕與雲齊滄桑此處尤分曉絕意秦川鳥夜啼

茅居

結草爲椽傍野溪倚門老樹失東西莫嫌世味如牛馬獨愛雲中有犬鷄自檢方書和露寫手栽仙藥傍簷齊春來奇事君知否一帶花林鳥亂啼

鄺居

近市猶如在澗溪杏花歷亂小窓西
譚玄入妙思騎鶴問字時來載
炙鷄手捲湘簾白晝永坐聞流水
竹根齊人閒大隱藏丘壑滿目芳
菲鳥自啼

船居

齊州九點半山溪畫舫新移湖水
西青史遺編空逐鹿英雄壯志喜
聞鷄百年泡影人難久萬有空中
數不齊若問風花與雪月儘他歡
笑與悲啼

水居

波起漣漪漲一溪秦風讀罷夕陽
西好修翎翮如鸞鳳莫入樊籠學
鶯鷄欸乃聲中漁網下蒹葭叢裏
酒帘齊溯洄此地勞心曲忽念驚
鴻四野啼

村居

塵囂不到武陵溪試訪桃源亦在
西漢魏兩朝同野馬朱陳二姓共
鳴鷄槽床自漉茅柴易糴稔新收
玉粒齊老我一生長在此含飴好
聽小兒啼

甲寅初秋有感

萬事難禁冷眼觀庭前窓鬱小林
巒新書初著誰爭

讀佳卉移來好自看
巫峽烽煙連楚郢
臺灣艦艣犯臨安
民生何計憐蘇遂
日夜憂天淚欲彈

甲寅秋九月同勦兒遊城東北隅槐川書院有

感作二律紀之

槐川高叔祖也先高祖衡山令慎齋之胞弟任總督

燕領功業照雄邊
卜築傳聞嘉靖年
一自鶴歸華表後
更無人醉晚風前
停雲樓暗封蛛網
光賫堂空絕綺筵
尚有遺編留鄴架
登臨迴首欲潸然

其二

當年昆弟守傳經
拭雪村居眼倍青
張掖狼煙曾電

掃衡陽棠蔭遍碑銘
華堂未廢鄰人瑣
茶竈無煙秋草零
試向香雲閣上望
西山黛色翠如屏

九月廿一日夜雨喜作

老來一榻自舒徐
世事何勞嘆索居
竹屋青燈聽夜雨
小窓香茗讀藏書
軍中羽檄宵猶警
隴上菑畬手自鋤
饘粥今冬尚可飽
天心仁愛樂何如

和張元裕南湖泛舟答謝原韻

五湖何處問扁舟
有客同心亦勝遊
楊柳毵毵夾斷岸
葭蘆鬱鬱上孤洲
傾杯痛飲思遺世
吊古高歌誰

倚樓瀲灩亭邊秋月白可能一葉共浮鷗

再贈平子遠 乙卯秋又過相鄉

仗劍飄零笑蔽裘清秋白日暫淹留馬周自醉新豐
酒崔顥空題黃鶴樓誰許青蚨酬國士尚餘客帳夢
封侯稽山深處頻回首鬱鬱長松蔭古丘

乙卯中秋京師出兵赴荊州時傳言將渡江進
取也廿一至廿三連日夜雨

聞道湖湘有戰期連絲霖雨晚秋時鐵衣問夜吹寒
竈征馬嘶風狎鼓聲上將知兵須慮險謀臣憂國貴

爭奇功成自古歸天寵誰把凌煙姓字垂

其二

宣尼夾谷歸侵地晉國淮西降蔡人豈謂書生空袖
手須防肉食善謀身師環隴右烏雲合馬踏荆山戰
血新帷幄昔年曾借箸漁竿今釣古槐濱

後秋興八首 選六首

昔丁亥之歲余在京邸效顰子美有秋興八
首頗爲名流之所推獎今二十九年矣抱疴
里居秋夜聽雨舊習復萌含毫濡墨不覺盈
紙余趙人也生居鄣南家近卽卽幼誦史記
國策諸書頗諳趙事
故多憑弔之詞云爾

過井陘

試向井陘山下過左車不用計如何
 叢臺寂寞生秋草漳水潺湲嘆逝波
 五代遺編雄冀晉東京王業起
 滹沱年來又見征塵擾憂國籌時鬢已
 備晉王出贊皇破梁軍
於栢鄉

登小峴

獨坐悲秋意不伸登高回首倍傷神
 自傾竹葉酬佳節哭向黃花憶故人
 玩世頗宜師柳下為文何必效
 先秦參差腸叫長空裏老屋枯桑夜雨頻
邑西南有土山邑人

每歲於此登高余名之為小峴山

笑草玄

若書豈敢續先賢獨坐茅亭笑草玄
 聽雨哇嗚已盡醉看雲日暮又高眠
 樵柯自向北山樾黍釀應須南畝田
 讀罷七歌思杜甫秋風吹動菊花天

祀信陵

平原用括難言智公子封鄆亦暫開
謂信陵君五霸功勳存趙魏
 三千賓客老鄉關勸歸毛薛誼偏厚
 自劉侯生事更艱遠害全身甘飲酒
 至今俎豆大梁湖信陵客惟

侯生奇偉亦子
犯隰朋之儔也

悲常山

死節常山顏杲卿明皇天子不知名
漁陽鼙鼓聲何急
妃子霓裳曲已驚
忠義昭昭千古烈
繁華灼灼片時榮
寶臣叛逆何功德
真定今尚有李寶臣功德碑余欲歸之
踏斷豐碑襍蔓荆

奇毛遂

豫讓擊衣悲趙國
武靈探穀餓沙丘
英雄事去全秋草
紅粉香銷付水流
武靈王寵吳姓也
大抵虞卿能任俠
誰

知毛遂有奇謀
腐遷史記留陳迹
懷古高歌風滿樓

房子有懷古樓

乙卯九月有懷泥河張元裕詩壇

愛君獨負有詩才
舊相風流東閣開
樹裏燈明談往事
花開酒滿趁青苔
未沾一命牛衣泣
讀罷三冬畫笥哀
七夕中秋都過了
征鴻度盡約君來

賀白仲調補中行

奇士羊標迥絕塵
蹇驢遠道漫勞辛
彤庭曾獻天人策
白下已關憂樂身
易水登臺思郭隗
東垣作賦歷

于麟提戈草檄尋常事待爾民風使再淳

燕臺秋興 八首選四首

黃金雖係尋常物好士能留萬古情
歲晚清笳悲戰壘風高落木響孤城
劉蕡對策身空老賈島能詩暮已耕
痛哭呼天頻悵望誰將國士遇荒倉

其二

洪流浩浩百川騰昏墊頻嗟歲不登
匏子築宮空往事洪園榘石竟無能
蒸黎家室隨魚腹天地江湖賸釣罾
側席近聞思讜論何人慷慨咏春陵

蔣河次
笑不塞

其三

悠悠坐憶東籬菊悵悵時懷雙鯉書
稽古似榮終見用散金疏廣可能如
霜黃梧葉侵寒月秋老楓丹向索居
瑣闥幾年隨曉仗為酬皓首漫躊躇

其四

複嶺重關勢若奔皇畿形勝建旣尊
蟠龍踞虎來天險帶濟祿河入薊門
重譯何年通越雉乘槎有使問崑源
宣雲密邇神京地鎖鑰還應奠右藩
將赴魏村山居寄社友喬百一

僻性從來厭世諱幽居當問武陵花
全收明月為吾黨未許青山獨謝家
種菊也須並植柳釀泉更欲解烹茶
故人自有天隨子好待霜林看落霞

趙問源九日約觀菊阻雨不果

聞君舊有龍山約落落風期許我宜
籬下淵明貧自好江州司馬俗難醫
酒逢幽士應飛舛雨為重陽來助詩
此日登高惜未得漫敲巖老枕中棊

千秋臺

山園幸爾賦歸來世運江河亦異哉
自有黃金登要

路不將青眼問蒿萊閉門搔首臨王帖
送客高歌到漢臺鐵馬玉衣久寂寞
荒林鴉噪使人哀

野鷄補

寒颺感發動秋波終古風流與恨多
荒塚魚燈沉寶玉平原馬首躍金戈
天心混混蠡探海客路茫茫公渡河
起舞聞鷄成底事不如青笠伴漁蓑

真定麻

成德軍聲震若雷長亭矗立古烽堆
山分恒嶽奔天馬水遶滹沱到海隈
砧杵千家嚴畫角梯航萬國走

與儂遙看劍氣冲牛斗知有三都作賦才

樂城郵舍

趙北燕南古戰場征車日日計
候糧輓輪絡繹來南國羽檄風塵暗朔方
衰柳依堤餘返照殘鷗逐馬冷
行裳浩歌雪涕令人老我欲拂衣臨辟疆

九日登城南崔府君廟

在邑西南

盤回曲徑陟崔嵬喬木凌雲亦壯哉
鴻鴈不來秋自老柴桑有夢菊空開
丹房藥竈迷烟火古廟碑陰上綠苔
惆悵夕陽人共醉遙看荒甸葬寒灰

述懷

八首選四首

終古雲山一望中幽棲常欲蹈冥鴻
興亡世事同蕉鹿得失虛名付楚弓
蓮社豈能邀靖節醉鄉且自效無功
年來高臥層臺下靜對春花幾樹紅

其二

寥落荒城賦索居天涯知己各紛如
祖鞭應讓時先着蔣徑終當手自鋤
澆我愁煩無似酒益人神智莫如詩
牙籤盡展瑯函秘草滿池塘花發初

其三

身漢堂詩集卷之十九
三四
龍江書院
築室郊原好閱耕每逢野老較陰晴丹砂未就陶弘
景醉飲還同阮步兵魚鳥依人洵可樂烟霞遯世本
無爭偶然拂枕青苔上惟見雲閒白鳥橫

其四

邇來何地可埋憂惟有西山誌勝遊草木秋深多欲
老雲霞歲晚不曾收忽驚時序飛蓬髮鬢託歌呼對
酒籌試向五成陌上望平原禾黍正油油

和梁敷五太史雨中見懷

連朝飛雨散空濛高韻常懷孤嶧桐已召雲嵐爲侍

史肯將花鳥付東風參元枯坐涵神劍琢句長吟付
楮公聞說兵厨芻竹葉訂期促膝聽秋鴻

李腹公內翰見顧述懷奉贈

仙骨珊珊衆所睎伯陽遺世復來歸曾酣紅玉觀溪
水同杖青藜上釣磯君自南遊悲負米余惟泣血念
斑衣剪燈話盡經年別曉夢還隨馬首飛

贈姜真源巡視茶馬

當年曾共賦蒿莘國士人爭倒屣迎儲相玉堂讀秘
史借才繡斧抗霜旌要教汗血充天廐可使龍團出

塞行咫尺抒懷憑弱素西南千里暮雲橫

服闋赴都至中山

自此以下壬辰年以後作

人傳舊國是中山百戰蕭條民力艱尚有室家依野
水可能烽火靖嚴關捐軀漫許贖重補戲絲何由衣
再斑此地松醪雖可飲不禁回首暮雲殷

春日過蘆溝橋

桑乾直下連滄海天矯青龍接御隄寥落長空寒過
鴈朦朧樹曉聞鷄香山晴氣歸雙闕榆塞風霜上
馬蹄咫尺五雲頻眺望春風已到帝城西

送蘇文昌同年會試不第回閩

眉山仙史號裁雲牛女星精應是君客路七千歌劍
蒯鷄林廿載著鴻聞明珠待剖終無價綵筆生花自
有芬愧我薦賢乏啓事上林空羨馬卿文

又挽二如孫中丞

箕尾光分傳說儔徘徊不見夕陽愁一身大雅徵文
獻廿載中原係去留冰鑑人倫存啓事鐵肝烏府著
嘉謀山阿泣盡半曇淚水泠泠汜汜白日秋

入直遇雪

年來佳氣鬱宸闈初見瓊英動夕霏
蕩漾寒光來紫塞崢嶸曙火照魚
緋惟將樂聖酬詩癖遮莫臨風羨
鳥飛封事明朝思補闕幸逢色霽敢
依違

秋夜

雪霽霜飛夜不明怯寒兀坐然孤檠
懶翻鄴架書千卷長嘯庾樓月五更
自是違時同叔夜猶然伏枕愧
虞卿羈懷暫作鄉園夢驚入疎櫺
落葉聲

和楊猶龍作

幾回蕭索嘆淹留碣石蒼蒼雲物愁
三載珥貂真續

尾一疏曲突恥焦頭居因地僻心常
息話到山深暑欲秋嫁娶未諧禽尚
約乘槎海上負奇遊

奉贈青壇成閣老

中原文獻掌絲綸夢卜特膺異數頻
帝授玉鉉調鼎鼎彝天開東閣繪麒
麟藻衡一代龍門重調燮千年大業
新揖客自慚非汲黯幾回翹首望清
塵

和法黃石太史

寵辱從來夢不驚醉中風雨暈潮生
天涯黃霧常連塞海上青山空有情
應馬呼牛甘大隱栽松種秫漫

逃醒盈虛莫問君平卜已見朱門蔓草繁

宴丘節同猶龍文衣觀仲溪遊白雲觀

乘春結侶尋仙迹尚有白雲日日留一井渟泓餘碧水人閒咫尺是丹丘荒臺繫馬平林晚野寺悲歌古木幽却憶青山圍故國幾番興廢使人愁

哭堯山梁村程祖母舅

典型不見髮如皤宣霧雲嵐慘色多雙壁自能傳數業一經誰復問青蘿名花手植餘香圃方沼新成未深荷遺札傳來述往事不禁傾瀉淚如河

和亦菴金年兄夜酌論詩作

數載玉堂風雨懸偶同樽酒倍愀然治安有策長沙涕流徵誰歌宋玉篇霞捲夕陽開遠岫雪融瀑布掛飛泉懷君兄弟如康樂剪韭炊梁已有年

清明日同諸年友送葬彰義門外過天寧寺觀塔因憶先塋有感

雨後郊原亦可憐雙柑斗酒共陶然誰家洒淚北邙下使我懷歸南陌前草茁長堤分野色花飛古寺蹠春煙謁來車馬何多事欲棄人間學大還

小亭新成猶龍晚過納涼卽和前韻

擬藏萬卷落新成
知己相看一笑迎
世上何人敦古道
天留我輩作狂生
菜根響頰非兼味
疎月投懷豈世情
聞說西南烽火急
憂時直欲請長纓

寄竟甫兄防河彭城

河干憔悴築防功
無恙桃花水向東
尚有悲歌懷古昔
况兼撫字慰蜚鴻
燕山對月驚蒼髮
楚地懷人共碧筒
報政三年書上考
高風還繼大蘇公

送田髯淵歸雲間

一片孤帆問潞河
華筵惆悵意如何
詩才雅步西園後
俠氣爭如北海多
懷橘深情辭上國
思蓴勝事在煙蘿
清時正藉天人策
未許桐江理釣蓑

餽龔芝麓涑酒和韻

易州城下黃金臺
流水釀爲竹葉醅
御苑鶯啼猶閉戶
晚春花落且啣盃
登樓屢欲哀王粲
衣綵方思戲老萊
文献中朝推雅望
五湖烟艇可能回

送薛行塢請假歸省

大雅雄文繼兩京
思親遄發事南征
十年烽火鄉園

夢一日斑衣菽水情綠野窓虛泉氣湧行山翠動曉
雲生相期蚤赴承明直莫向深巖采落英

贈仲芳錢年丈

十年滄海浴修鱗樵牧能知公輔臣大雅可與屬我
輩蒼生竟負是何人虎頭墨妙通神去平子精思作
賦新拭目金明池上柳江頭爭待韋家春

鄧元昭邀看海棠於慈仁寺

塵勞誰解惜春花蕭寺尋芳日已斜翠葉競扶香國
錦濃英密簇赤城霞十年潦倒同杯酒三月疎狂問

異花向晚莫疑妃子睡風流曾許是仙葩

送衛邵孫請告歸里

聞君卜築景明前帶雨看耕負郭田辭去勞人愁歲
月好尋秋水舊雲煙穀城高隱留黃石洛下狂吟醉
樂天野老不疑同海島新詩佳句可能傳

送楊悔菴之河南

病肺無能問酒盃聞君南下意悠哉燕臺秋雨連山
急淮海孤帆向日開畚鍤十年勞補築節宣千里救
凶災平江勝事非難繼八月濤聲漫溯洄

送黃于石之嶧縣

于石精岐黃理

長房仙杖忽東行，鷄肋微官豈戀名。
漫詫飛鳧辭帝闕，要觀出日問滄瀛。
書攜素問孤舟遠，政有循良竹馬迎。
採藥名山曾有約，留君清話到深更。

太行晚翠

山有桃花洞，仙人岩，余幼讀書處。

綺霞澄霽見崔嵬，千里行山向晚來。
古洞桃花人世外，仙岩石髓翠微開。
白雲處處藏愚谷，秋色年年點綠苔。
爲憶柴桑晉處士，何時共醉舊家醅。

光武遺蹤

後漢書光武卽位高南

驅馳河北藉羣材，何待彊華符命來。
萬姓謳歌思漢德，千秋麟鳳起蒿萊。
祠庭祭器封蛛網，鐵馬金戈臥碧苔。
想像鑿輿臨幸後，斜陽樵牧幾徘徊。

送徐元文

仙才帝簡重鸚班，天目霜松幸得攀。
清論久因風月峻，高懷常爲水雲閒。
思親正喜歸元直，署紙終教待景山。
鄉國山川莫遍覽，遲君飛旆侍龍顏。

送秦留仙檢討請假歸無錫

潞水澄明一碧流，錦帆人在木蘭舟。
詔書下殿縈公

緒才子臨江繼少游座有青袍非劍俠檻依紅樹是
高秋惠岩幽處泉淙冽安得從君汗漫遊

興勝寺花園內有高樓三層

寺南寺北皆禾黍獨上危樓望古燕萬點太行秋色
照一灣東海薊門懸流觴石逕荒金谷華表高原冑
野烟山衲相期更不淺花開待我度春妍

高粱橋在西直門外橋西有王墓

漉汰已非修禊日高粱橋下水空流白鷗漠漠連天
去官柳毵毵入座浮堤畔琳宮餘巘巘路傍新塚是

王侯春明擾擾終成夢欲共安期泛十洲

彭城放鶴亭

雲龍山下茅亭址天外修翎何處來一水勢從西極
下千帆遙指海門開斷蛇事業餘荒草戲馬悲歌空
古臺却憶當年蘇太守清風琴鶴共徘徊

冢兄竟甫築草亭於防河公署榜曰馴鶴蓋繼

放鶴而復有此亭也

馴鶴人同放鶴才應知仕隱不相猜元裳素羽新秋
暖白石清泉一杖來林靜門前銷剝啄心閑河水有

暄厖聯床夜話知何日兄弟眉山遠溯洄

送王雪麓之鳳陽

辟疆曾共論新文結綬彈冠氣不羣爲有皇華星作
使可憐青眼望中分軺星疑帶行山色桂楫猶沾大
陸雲淮甸瘡痍今未息好將民隱奏吾君

懷猶龍楊方伯時在四川

鴈羽參差歲月忙錦江秋色豈投荒新詩定奪浣花
席俠氣猶傳北海觴可喜保釐舒化日重教婦子慶
春陽龍文千里勞歸省不信枌榆有異鄉

時令部
赴任

和龔芝麓韻

東西南北細論文靜夜溶溶傷影紛肅政已稱真亞
相封侯終是故將軍關心時事催黃髮入歲高吟變
舊聞虫臂鼠肝遮莫辨簷前春色正三分

奉送朱蒿菴都諫謫閩

作賦文稱大國風犯顏敢諫古人同路過嶺嶠梅花
外話盡春燈細雨中賡有鴻章留鎖闥獨憐好友悵
飄蓬六朝舊事難憑弔穩睡菰蘆江水東

大行皇帝哀詩

升霞鸞輦逢人日御仗飄搖淡落暉
鵲觀前春色閉蓬萊苑內曉星稀
鴻猷奕奕歌承烈遺詔煌煌教
彌遠夢覺尚疑登啓事聽傳午夜漏聲微

其二

乾清宮殿闕宸旒百尺寒雲雲不流
梧野皇英竹有淚喬山弓劍水如秋
哀傳毳帳感揮涕音到百蠻亦
動愁物色蒼涼增感慨潺湲御冰烟春溝

其三

春王憑玉歎彌留豹尾龍旂一夕收
不惜憂勤成大

業每因水旱省徵求廣搜文獻師三代盡覽縹緗重
九丘原廟他年興郡國神光應是照遐陬

上好學每讀書
至午夜不倦

其四

晉天共受伊耆恩獨有葵傾更何根
龍馬曾教試玉轡樓船兼許侍文軒
旌旗掩映春風勁燹鼎參差白日昏
北望薇垣雲漢渺幾回夜半哭聲吞

戊戌秋杪
上嘗命介

同內閣學士及大司馬諸公隨獵南苑
上所御金鞍黃轡馬賜騎仍命公一人導之每有顧問竟月而罷又丙申端午日設宴於瀛臺之樓船各令盡醉

其五

德得天言在紫宮無偏無黨戒雷同五年憲長非朱
博十漸疏章愧鄭公金殿觚稜何突兀瀛臺玉樹自
青蔥朝臣泣罷猶於邑跣坐龍媒御苑東初授介副
憲即命學
士馬公傳至中和殿面諭朕之用爾朕自
知之非有他人薦說慎勿隨人偏黨也

其六

聖武周陟南苑傍也同驟乘獵長楊雕弧猝發雙鴻
落元甲爭鳴萬馬良露飲金莖依翠幄炙承天饌美
黃羊可憐兩月無遊幸熊館春風遍野棠

上校尉南苑命介隨入園中見黃羊突起射
之應弦而倒諭之日此善走口外最多

其七

勝國園陵半草萊登臨暇日幾憐細謚存莊烈芬青
史祀用牲牢走隸僮莫植冬青悲義士空憐雪窖發
深哀卓然盛德真難紀疇範何人答 聖裁

上憫明崇禎帝之死禮稷也命立豐碑
謚莊烈又命明諸帝皆照舊祭之

其八

問道空同鍊至精緒餘墨妙軼群英平吳不樂羊車
戲定粵思裁南詔兵好惡生成皆廣大賢愚黜陟自

分明卽今冲主垂裳日薄海瞻依頌治平

上精於性命之學儒書愛周子太極圖且兼覽二氏之旨平滇之後介與內閣臣馮公同見 上日雲南旣平朕喜干戈從此偃息也

題楊椒山爲冀梅軒書梅卷

勁節當年死不移梅軒磊落是心知銀鈎鐵畫顏公法疎影橫窓處士枝淑問貽謀食舊德高賢握手共清時懷人涕泗悲遺卷欲向丹青洒酒卮

贈谷席之歸里

曾近楓宸沐 聖恩時移事去跡空存貔貅淮海風

烟日杖履鄗原伏臘心鶉血有情依舊國龍髯無地哭遺魂明晨又逐江鷗去共醉田閒老瓦盆

薊州懷古

漁陽雄鎮帝京東堞雉摧殘戰士空何代荒碑依野水幾年畫角動秋風室家南徙安巢少韃橈東來貢路通尤喜青蓮存勝蹟薊州美釀醉春紅

其二

形勢當年百戰收南塘事業固金甌薊門鎖鑰重關險遼海雲帆粳稻留豈盡堯牟無義士祗因帷幄乏

良籌春原匹馬空憑弔喬木寒鴉噪古丘

喜吳修齡自崑山至

悵望東南鴈影天
揭來風度尚翩然
楊懸四載燈前
鼠夢破三秋雨
後蟬話盡襟期
存海岳書藏瓊笈託
幽燕雲卿未必烟霞侶
纈幣由來物色偏

輓四川方伯楊猶龍

當年曾共賦扶桑為惜分飛憶遠疆
蜀道峽雲紛蠟屐
薊門邊樹滿秋霜
魚龍寂寞音書短
杯罍流連花木香
我亦天生獨立者
感君意氣愧王陽

其二

彤廷拜舞幾徘徊
馬渡滹沱過漢臺
尺牘每詢黃髮老
笑顏不向黛眉開
病吟七發膏肓痛
思迫十年鴻鴈哀
可惜身騎箕尾去
列星灼灼自昭回

猶龍不喜近內

其三

驚傳靈輅出臨漳
妬殺曹家鬼塚旁
酒竈茶鐺嗟逝水
蘭摧玉折冷斜陽
生平奇字藏藜閣
歲月空囊笑孔方
知爾英華原不減
修文地下自翱翔

猶龍卒於河內之清

化鎮

其四

人世蜉蝣爭土苴嗟君早逝意何如
蕘臺杯酒琴音斷大陸秋風鴈影疎
繡虎雕龍資月旦白蘋紅蓼且
居諸向平空有名山約破帽青衫學墮驢

其五

貝錦曾聞萋菲傷虛舟大度漫評量
定軍山下三分淚閬水城西一草堂
誰復長歌來薊北獨留好句遍
西羌翩然披髮歸何處欲召巫咸訊大荒

猶龍有定軍山浣花

詩堂

其六

曾于高閣細論文又向浮屠醉夕曛
宣德箋舒渾似雪鼉磯研冷迥生雲
榴花紅吐閑清晝促織聲悲響
壁粉腹痛那堪殞念舊魚書滿篋總思君

昆盧閣天寧寺皆與

余痛飲處

其七

海水羣飛已有年共資舟楫涉長川
一朝星隕文無主有客魂搖若泉玉壘錦江聞
渡虎滄陽襄國泣啼鵲且亭他日求遺稿
大復空同孰後先

其八

友道于今嘆
迎波人情反覆有于戈
朱顏自向朱門
老白首誰明
白水歌雙鶴伶仃驅棧道
十年風雨渡
淖沱伯巖鳥
盟俱蘭臭獨往空山涕泣多

其九

咄咄誰將浩
氣收天涯悵望一登樓
人同宋玉秋多
病才比相如
倦後遊嶼舫齋前真唱和
且亭花下舊
風流也知生死
滅虛誕爲爾傷心淚不休

其十

閒從客悵
封侯晉水巴山百尺樓
到處青樽陪竹
杖幾年明日
刀照牀頭高才世共推
三絕奇數今當賦
四愁幸有
鴻編追李杜可知香瓣儘人脩

十一

洗盡羣言
縉雅宗少陵北地自雍容
一生尊信惟歸
此餘子紛紜
安所從梁苑賦成春雪調
并州心憶景
陽鐘窓中煙
氣蓬蓬出白玉樓高記幾重

十二

問字寧甘學
于雲關西伯起更超羣
瀨邊吟徹霜鐘

夜醉後揮餘白口練裙幾處孤寒齊下淚一時星宿掩
高雲可憐鉅席南山畔大鳥重來馬鬣墳

坦園李老一年兄招飲西軒少傅衛聞石先生有

咏次韻奉和

窈窕軒楹傍柳開飛塵不到有蓬萊登臺舒嘯青雲
入憑檻尋花錦石堆名酒偏宜同月賞玉人時見戴
星回他年仍約看英會莫向昆明問劫灰

和李君渥

視家

懷抱誰為磊落

入君家游宦重衡鈞彭城未止安瀾

頌濟上弘開輪輓勳賢有俊才應過我筆無塵氣可
超倫諸公莫羨登臺省主契由來晚倍新

送葉眉初之任貴州司理

將行頻酌碧香醪風雨燕山念子勞國本羅施人貌
異川連銅鼓瘴雲高祥刑漸可敷文教闢地於今重
鎧曹神駿何須愁伏櫪天涯欣遇九方臯

咏雲峯尚公闔門殉節

天運陽九不可邀闔門殉節義聲昭蓋棺自許攀龍
髯抱焰同時化鹿蕉野水幾灣環塚木荒碑數點伴

山樵惟應直筆存青史碧血甚弘恨未銷

丙午八月請告歸里縉紳先生送我於國門之

外者車馬數百日暮乃得南行

桑乾水遶帝城西雨歇新秋古樹齊檀板輕敲分祖
帳兕觥傳舞列長堤由來燕趙多慷慨况是田疇正
滄淒日莫揚鞭驚野鳥雲山此去好扳躋

寄餞送諸公

檐車暫住古橋頭雨霽風疎好逗留豈有文章華上
國何來膠漆盡名流燕山八月鳴賓鴈上谷二秋起

綠疇自幸時平歸故國千山紅樹漫吟謳

懷闕

投筆戎軒慷慨同封章每奏未央宮鷄鳴待漏霜華
下鵠立懸囊日影中萬國梯航重譯遠五湖煙水一
帆通君恩寵錫何由報瞻戀楓宸紫氣叢

至真定

駒隙流光十六年重來正是晚秋天籬邊黃菊英新
吐檻外青山色舊妍事業豈堪追丙魏文章空自慕
雲淵相逢盡說秋成好贏得高齋一晏眠

至里

畫錦人稱是壯遊歐陽作記美韓侯十年漫走東華

道一日相逢野水頭誰識邯鄲全是夢應知歡伯可

銷愁半簾明月梅花被不羨蓬壺海上洲

五代史梁晉戰柘鄉

拒野河之上

奉送增美劉年兄祭告泰嶽東海

門第中朝孰與同文章侍從繼宗工鳳麟自許清時

瑞海岱今觀大國風玉檢金泥雲氣出方壺圓嶠蜃

樓通行行漸與東華近仙仗悠悠護玉驄

送簡文選督學江南

使節初開說范陽天書遙拜紫微郎橫江萬里秋天

腸孤月千山夜杵霜驛路幾迴紫鐵甕松杉依舊繞

銅梁太平文物推南國會看金魚賜建章

送譚舟石赴榆林

五原秋色近如何疋馬西從天外過瑪瑙谷邊烟火

少鴛鴦湖上雪霜多囊攜珠玉才難比匣有干將髮

未皤莫嘆短衣勞跋涉知君指日貴鳴珂

贈黃之抱甕園

垂柳當年手自栽每逢佳興幾徘徊青山近矣何曾
厭明月依然莫浪猜粗糲炊成野老飯松醪飲盡葛
天懷不知人世興亡事一曲長歌酒百盃

贈臨城喬百一

數年不見已成翁走遍天涯還是窮欲典青山爲活
計幸留明月照寒空春花簇簇開芳甸好鳥關關呀
晚風速築糟丘吾欲老與君共醉落霞中

丙辰仲秋輓潮陽太守麗榆叔不受偽職病故

垂髫憶赴城南館壯歲功名亦未遲嶺外籬人迎竹
馬江干名士篆豐碑吞羶欲效蘇卿節奪笏還同秀
實思萬里轎車何日返潮陽烽火不勝悲

夜飲北玉齋兼寄田髯淵

談心不覺斗參橫夜氣淒涼劍欲鳴海內文章誰尚
在中原聲氣爾多情名山盡閱書千卷北海常開酒
百瓶聞說荆南摧戰壘降旗先豎岳陽城

和梁敷五戊午除夕

冥心趺坐一蒲團高度于闐雙玉盤甘橘分時無丙

新濟堂詩集選 卷之十九 前江書院錄
熱河水泮後解春寒袖長婢老猶能舞歲儉羹蔬獨
喜餐雲物晴和新氣象鏡湖深淺任投竿

又和己未元夜

青青幾點入花條火樹崢嶸盡一宵且慶人烟喧里
巷忽思天仗隔雲霄歌殘燈下傾春釀藥寄山中憶
老樵同樂寧知今古異太平指日頌熙朝

送堵乾三歸無錫

爲許知交仗劍遊堯墟歷歷見平丘鄉思常憶仲由
朱旅食時登玉粲樓上苑文章什小試五陵裘馬若

浮漚東南水旱頻年甚路過邗江起暮愁

僕人王棟壬子春南遊武當山

嗟爾猶知遊太和蕭蕭行李半肩多傳聞此地生靈
藥安得移栽學橐駝九點齊州同蟻蛭一爐金鼎鎮
雲窩歸來好買春籐杖拄遍名山問薜蘿

坐忘

世味年來已遍嘗不如道味足清涼槐陰密轉鄰鷄
報書卷拋殘午夢長雨灑平原山有色風吹小院竹
生香非仙非佛聊稱我數息深深學坐忘

壽通許令弟倫淑

司馬家聲舊有名烏臺閱閱再崢嶸愛民政自成三
異禮士學應續五更長至春回梅欲吐琴堂月照鶴
隨行應知父老懷棠蔭祝頌南山壽愷情

奉和孔心一公祖詠宋子飛只可山房

只可先生自譜年杖藜健步似飛仙共傾竹葉何辭
醉獨玩南華不肯眠題塔一時誇啖餅看鞭此日許
歸出山陰訪戴何由棹隔斷桃源別一川

其二

只可先生自譜年鏤金

磨堯堅堂延牧仲兼求

仲酒賞春泉並惠泉宦迹猶如鴻爪雪文名不過馬
蹄篇入山辟穀誠多事偏愛長安市上眠

其二

只可先生自譜年文章歷落古今篇隨征滕下披金
甲獻策彤廷躍玉鞭循吏有名人頌母醉鄉占籍酒
如泉鄙南有友遙相憶千里春風啼杜鵑

其四

只可先生自譜年每聞矍鑠未華顛會酣碣石燕昭

館閣盡蒼梧虞帝烟一曲深林留好友半牀明月對
瑤編已知富貴浮雲外且喜芝蘭玉樹前

奉和麗雪崖詞林見詢

百年風物未蕭疎三徑蓬蒿掩敝廬老眼倦看花一
放室人每嘆食無餘孤城畫角驚愁旅潭水柴門問
卜若霸越平陳空夢蹟危樓高庑讀殘書

楊子元授中書舍人

且亭不見廿餘年玉樹臨風允象賢初八西清學珥
筆已空北冀着先鞭白劉唐代篇章勝楊魏熙朝唱

和連屬望鳳凰池上客桂花宮裡有閒田

奉輓荆石蔡年姪寇安

英英國器今何往埋玉山阿誰與鄰幸有箕裘付令
子終遺壘恥念慈親蘭臺家世聲聞遠憲臬風猷蔭
樾新却憶燕都問字日蕭蕭汶水泣斯人

輓馮子韶

天生傲骨氣千尋中歲歸來高隱心半榻松風餘鳥
跡一簾月影散花陰桐鄉遺愛人爭祀清節東籬菊
尚森執紼未能空悵望蕭蕭夜雨一燈深

奉輓閩督觀公范老世兄盡節和少司農環溪

魏年翁原韻 戊午

從死田橫止俠烈相隨范子盡貞臣人倫天道心常
爛取義成仁願已伸螺女江邊魂化鶴釣龍臺上血
飛燐卽南憑弔空垂淚畫壁遺言痛鬼神

觀公被羈
有畫壁遺

贈張元裕

方伯冕盟相繼死疎蕪張子鬢如皤酬詩常覺篇章
富對酒偏生感慨多草屋浚南勤葺補柴車卽上屢

經過卽今詔旨徵才士誰識先生獨寤歌

丁巳正月廿五日馮公述邀飲於友竹齋

閉門謝客疎慵久忽入城南訪故人羽檄已驚三載
夢煙霞又覺一年新清泉白石盟初志尊酒隻鷄隔
世塵更欲論文聯社會添修茅屋對松筠

丁巳九日登馬鞍山是日有家兄竟甫兒勸同

友人李聖之白見先

遠山猶是舊時妍攜手同登興杳然雲物自來還自
去秋霖爲浦復爲川兵戈未息常驅馬霜露頻飛尚

有蟬喜得與君扳痛飲何妨酩酊卽高眠

丁巳十月輓申鳧盟

少微星暗閉山樊故友相看哭寢門丘壑一生甘寂寞
圖書數卷擷蘭蓀擬將摩詰應難比失却襄陽誰
與言步出槐濱聊悵望水流花謝鴈聲繁

其一

徵書遠避白雲廬點檢生平得自如共飲草堂忘歲月
自開花逕狎樵漁茂陵遺稿無封禪安樂行春用小
車天上緋衣何太急邯山洛水氣蕭疎

元昭節太史契濶久矣每承憶念縞帶紵衣之

雅情同僑札兒勲過江拜之床下適館授粲

慇慇無已愧乏瓊報書懷以寄

鴈行數陣橫秋旻意氣相看晚倍親萬竹園中懷舊
好千金渠畔老閒身曾期世外陶弘景共許巖耕鄭
子真安得扁舟過北固與君登眺結芳隣

和張元裕

亡羊岐路世多迷夢破邯鄲醒後題大石橋邊月自
照蕭王廟裏鳥空啼叅禪已覺鏡中老鍊氣難回曦

御低張緒風流仍未減何時握手水亭西

辛酉初春偶思閒中之樂遂成八律選三首

萬金難買此身閒檢點詩篇手自刪麟閣浮名空自
好蓬萊仙杖不須攀靜知荏苒光陰易老覺形容童
少艱傀儡滿前誇線索息心誰肯下松關

其二

萬金難買此身閒遙憶從前百事艱映雪囊螢十載
苦衝寒冒雨五更班肯將富貴如沙礫豈視民生若
草菅酒史續成真樂地傾壺自可駐顏顏

其三

萬金難買此身閒弔古無庸涕淚潛禪讓征誅皆故
迹王侯將相幾多班靜聽林杪花閒鳥時看牆頭屋
外山兒誦詩書婦解織先生怎不破愁顏

贈晉州郭父母

保障依然古晉陽細侯竹馬擁成行仁風播作秋風
洽惠澤流如雨澤長叔度重聞歌五袴召公再見誦
甘棠御屏應已書名姓渤海朝歌足比量

仲子謙吉任少司馬受封都察院僉都御史巖生
謙光號慎齋以明經爲湖廣衡山縣知縣有善政
早歲懸車貞菴公之高祖也慎齋公生大成字時
夫號音高才博學後正以理學著稱以子
貴封文林郎永城知縣其後以貞菴公貴贈都察
院左都御史再贈秘書院大學士加一級大成生
純粹字乾仲萬曆甲午舉於鄉甲辰第進士任河
南陽武知縣調永城四舉循良皆居第一行取考
授山西道監察御史正色立朝侃直蜚聲其後以

孫貴贈都察院左都御史再贈內秘書院大學士
加一級純粹生栢祥字元昌號拙菴貞菴公之父
也學識竒偉諸子百家之書無所不讀通達時務
詩文卓絕天啟辛酉選貢考中縣令未仕以子貴
封吏科右給事中贈都察院左都御史再贈內秘
書院大學士加一級生子五人貞菴公其次也

丙辰明萬曆四十四年公以秋七月建丙申二十五
日癸巳辛酉時生於栢鄉在城社南門西路東之
宅父拙菴公年二十四張太夫人年二十二也

丁巳公二歲

戊午公三歲

己未公四歲

庚申公五歲

弟喬訥生

辛酉公六歲

拙菴公以是冬恩選入國學

壬戌公七歲

初入家塾

癸亥公八歲

從師張從野讀書師甚奇之

甲子公九歲

乙丑公十歲

從師郭懷遜讀經史於樸園拙菴公別業也

丙寅公十一歲

應童子試

丁卯公十二歲

拙菴公應順天鄉試旋祖母程夫人以疾捐館公

哀戚若成人是歲弟懋生

戊辰公十三歲

春葬祖母程夫人

己巳公十四歲

從唐山徐構音讀書每課文拙菴公佳之

庚午公十五歲

春院試文宗霍諱鏐取中第五名入學

辛未公十六歲

從臨清陳孔昭師講易讀史記國策三蘓文看通

鑑

壬申公十七歲

弟喬訥入學

癸酉公十八歲

公讀書樸園應順天鄉試不中時流寇甚熾將犯

栢邑縣缺印官大名司李張公緒綸馳至南門拙

菴公率公叩馬留之謂其出則必陷張公悟乃登

陴拙菴公率眾守城公為之佐卒以全城

甲戌公十九歲

與石含醇諱粹者讀書於樸園

乙亥公二十歲

與唐山趙問源諱漁者讀書樸園看四書大全錄
其要者

丙子公二十一歲

春入西山桃源洞讀書每靜坐巖岫中觀心體澄
然處空山無人水流花開大有會悟秋應順天鄉
試以膽有訛字弗售

丁丑公二十二歲

讀書樸園拙菴公謁選京師寄書有珍重窓前第
二枝之句冬歲考吳文宗諱道昌深加賞識取第
一名補廩

戊寅公二十三歲

春真定太守范成六公選三十二城士入恆陽書
院讀書公居第一與梁邇之梁玉立柱子靜諸公
迭為恆郡首卷范成六師甚奇之曰天下七也

己卯公二十四歲

在真定寓木塔寺與陳道隆梁昭性王安之會課

爲課長是歲娶內丘別駕韓公之女賢而勤儉每
日紡績佐讀爲成六范公選恆陽大社文刻之

庚辰公二十五歲

仍寓真定手批真西山文章正宗陶淵明集暨國
朝憲章類編弟訥有疫疾公回里晝夜醫視得無
恙是歲大旱人相食公題詩誌感蓋早有濟世之
志冬有事京師至家而疫作七日不食糲菘公及
母張太夫人甚憂之妻韓氏晝夜省侍治湯粥扶
起臥旣而得愈歲試弗預弟訥居第一

辛巳公二十六歲

至京補考吳玄泃宗師深加嘆賞仍准前列錄科
第一名

壬午公二十七歲

舊真定太守范成六出關內道陞巡撫山西請公
赴太原署以禮幣先遂赴之由獲鹿至平定州適
成六公到任八日推陞薊密總督成六公仍命隨
行至定興復轉關外總督又命公行公懇辭以家
有老親且勉范公以身報國遂別而歸讀書於城

南柳庄秋順天鄉試中式主考為江西豐城羅小
遜山東濟寧楊鳧岫房考王諱大捷字仙掌湖廣
武陵人

癸未公二十八歲

是時天下之事已危公公車至都具二疏其一言
召募之兵不可用宜清理衛所選將練卒其一言
民困已極四方有瓦解之患宜大蠲其積逋以收
拾人心庶幾可以挽回太常慧公見而稱之曰王
佐才也但策雖善恐時不能用不如藏器以待時

遂止時因都城戒嚴改會試期公乃馳回家省親
復讀書於柳庄七月北上時京師大疫病死者數
十萬人八月中秋夜雨西山已變為雪其氣節之
失正如此歸而捷報不至復讀書來雉園時傳流
寇已陷關中盡取陝西之地
甲申公二十九歲

春流寇偽檄至晉晉中擾亂公適有炊臼之變
中無米鬻衣以爨五月

大清定鼎催舉人赴選遂至都上疏願會試不願即仕

部覆允之是秋公弟侗生冬月娶袁氏高邑庠生
袁燧女

乙酉公三十歲

下帷樸園寧昌高柱河侍御有江南督學之役具
書幣來邀辭弗往公姊夫光猷柱河之子也復來
固請遂促裝東行路出臨清博平鄒滕濟寧徐州
宿遷淮安揚州鳳陽滁州和州攬其山川人文及
誌書古蹟風土人物有南遊紀畧之篇是秋公兄
竟甫中副榜恩貢公冬自北歸

丙戌公三十一歲

會試公中第十二名房考杜月湖先生長垣人也
批曰英分超絕深於雅合於度蓋賈董之學而副
之以蘓長公之筆是必後日有大用者 殿試三
甲前列狀元爲聊城傅以漸考詞林取中第二十
名奉

昔入館教習讀書試多高等是年

上賜名畫十餘軸有宋徽宗鷹關九思竹等

丁亥公三十二歲

迎公母張太孺人至京是秋散館授工科給事中
慷慨言天下事諸仕宦者聞公素直或誘之以門
戶或怵之以朋黨公不顧曰大丈夫盡忠 朝廷
耳何依傍爲於是有添設道員宜裁一疏直糾邪
臣首舉計典二疏皆奉 溫綸

戊子公三十三歲

仍在工科有 聖德與年俱進仰乞及時講學以
隆萬世治本疏時

世祖皇帝尚未親政學士陳之遴典籍王鍾龐相遇于

午門外看公揭帖曰老掌科端本之論也時部務
壅滯常數月不行公上疏陳註銷摘叅之規 旨
趨之時直隸錢糧溷冒具有蠲荒屢奉 恩旨畿
輔未沾實惠一疏下部行之秋科臣例與典鄉試
是歲新定考例公與科臣姚若侯部屬梁邇之諸
人同考公居第一典試山西取舉人程正緒等八
十人便路至里省親十一月復抵都下

己丑公三十四歲

大同總兵姜鑲叛公有請召對之疏攝政王從之

卽日召對公首陳寬遜人之法卽奉 俞旨仍賜
同時諫言者禮科給事中梁維本人二百金人心
大悅公循例轉吏科右給事中二月公母張太孺
人計至公一慟幾絕語孺人袁氏曰余爲官所羈
不得不待命爾婦人宜速奔喪袁孺人遂先歸公
候命至四月兵部孝字勘合仍未得公痛哭曰母
亡尚待勘合耶卽刻乘一騾隨二僕疾馳四日行
八百二十里外步哭至正寢哀動行路公父勉慰
令勿過痛滅性而公形已骨立袁孺人歸亦臥床

不起蓋孺人性至孝因哭姑成勞也九月二十一
日拙菴公以痰症終公更哀慘大病越數日袁孺
人亦逝公神情怯弱不能臨視望之哀號數聲卽
令人扶回父母柩側嘗語人曰吾不幸而死未襄
父母大事乃罪人也若手口拮据卒瘞安厝大事
而死死亦足矣五月生一子殤公旣病甚恐旦夕
不保公四弟慤婦趙孺人懷妊遂與兄弟謀曰若
男也以爲繼十一月果生男遂以爲子卽勦也

庚寅公三十五歲

相地於邑東西山水之間至臨城盤石村低水南
環平岡東峙徘徊其地者久之欲卜葬公父母以
他故未果

辛卯公三十六歲

三月仍葬拙菴公及張太夫人於祖塋之舊阡又
逾月葬袁孺人於郭西白園之新阡捐資刻拙菴
公所選李杜王蘇四家詩公詳為考訂冬十二月
服闋

壬辰公三十七歲

春正至都銓宰欲公一至其門公不可五月乃補
吏科右給事中因逃人法峻上察戒宜責州縣一
疏時朝儀未肅上請舉視朝之大典以致泰交之
盛治一疏是月

世祖皇帝臨朝因定朝規時直隸河南山東水災上災
民望救甚急蠲賑實出特恩一疏時有

上傳訪明季京城狗難諸臣上褒錄幽忠實

聖朝之曠典謹舉平日所聞一疏內列大學士范景文
等二十九人奉 旨着禮部詳訪確察具奏皆從

褒揚之典太僕寺丞申佳胤未蒙旌錄公復上一疏卒一例贈祭謚祀於鄉是年秋武會試公分房

冬十二月舉一女

癸巳公三十八歲

二月內轉工科左給事中有上諭令言官直諫

無隱公言自昨歲以前北水南旱九月內星變迭

作入冬以後太白退舍瑞雪三降天意人心如桴

鼓響應

皇上既側席虛已有置鼓立木之求臣安敢緘口辜恩

違懷仁負義之戒謹條四款一崇節儉一勤聖學一度兵勢一省刑獄疏畧云

皇上以身先天下蘓杭織造宜減去其半金銀器玩不
必造珠玉錦繡士民不許濫用一勤聖學欲

皇上于政事之暇講求朱熹通鑑綱目真德秀大學衍
義丘濬大學衍義補唐太宗貞觀政要先於設施

以致太平一度兵勢川湖用兵連年不已欲

皇上折衝樽俎勅下行間將帥量力而行兵足以取糧
足以守則速取之兵雖足取而糧不足守則姑且

置之令督撫大帥儲糧飭備俟吾輓輸不匱一舉而滇蜀可定一省刑獄謂舊例有罪法當死者三覆五奏母輒行刑今在外者尚循監候再審之例而在內者未見舉行乞

皇上勅下刑部詳查舊例卽賜施行疏入奉有 俞旨仍勅部覆皆允行之四月天旱 上令言官各抒所見凡大利大害應與應革者悉心條上公上疏陳二事一言封疆未靖一言河工未竣二者天下之大利大害奉有 俞旨部覆行之時直隸州縣

錢糧各自赴郡銷算使費煩勞公上疏言各省銷算旣歸於各布政直隸銷算自宜歸之各府事屬便民奉 旨令部覆允行時有司貪婪撫按糾叅者徃徃卸罪衙役希圖復用公上疏論其弊奉

旨允行是夏刻拙菴公所著史繫時士習浮靡不尚實學公上疏請端風尚崇古學以養一代之人才一請以孝經命題一請舉劾教職一請禁止坊刻一請修葺學宮一請查訪節孝奉 旨都着詳議具奏時京堂陞轉不均公上疏請定京官遷轉之規

以佐內外並重之法部覆允之九月膠州總兵海
時行因兵變叛而三省總督馬光輝漕運總督王
文奎邀擊之時行自縛乞降公上疏以為時行受
國家大恩使兵未交刃棄甲來歸罪猶可恕今兩
次拒敵敗挫狼狽計無所出始殺陳謨等以就撫
宜明正其罪以伸國法並糾山東撫臣夏玉縱寇
殃民之罪兼請釋放被搶民間婦女奉有 俞旨
部覆允行遂斬時行時武科淹滯公上疏請疏通
選法文武一視時連歲水旱災傷

上諭痛念兵民凍饑欲拯救其疾苦公上疏陳八款一

發倉粟一安流民一豁丁徭一核兵餉一散糧餉

一請蠲免一賑貧困一恤耕牛部覆多見允行

世祖遂刻戒殺彙鈔一書頒行天下勸戒臣民勿殺牛

食牛溥 聖明及物之仁蓋於此見君臣之一德

也是冬公讀易性理大全及二程諸儒等書有所

得則錄之書成名曰約言錄分為內外二篇其內

篇多言性命之理其外篇多言經濟之畧黃岡曹

木欣先生容城徵君孫鍾元先生序之

曰古稱燕趙節氣之

地而實聖學淵源之區也董廣川開天人之宗邵
 范陽合理數之蘊迨劉靜修大其堂構而鹿江村
 嗣其徽音文未喪天道豈墮地不絕如綫之一脉
 當與世而常存邇讀曰生先生約言錄殆踵董邵
 劉鹿而繼起者與曹子厚菴序之曰其道由窮理
 以及力行其教出周程以及許薛其言由性命以
 及功化斯于聖學也亦可謂明且正矣讀其書誠
 如其言而愚更有心者楊朱學於老聃即道家
 者流墨氏亦當時之賢與孔子並稱未嘗無父也
 無君也孟子謂其著書之流弊必至于無父無君
 故昌言闢之至比於禽獸以視今之禪公然棄君
 臣父子夫婦朋友者何如哉其禍之烈入人於骨
 髓心術之微百倍於楊墨而世莫敢與之抗先生
 剛果勁直毫無屈護孟子而在其急引為知己也
 豈待問耶道喪學荒非有深心定力不搖于中則
 撼于外故奏績最難先生氣魄大其展局自弘精
 力專其合道更捷學有本原而事無棘手曲土拘
 攣之習腐儒拈括之案一洗而盡除之所謂以反

本寒源之力奏掃蕩廓清之功者也聞之先儒云
 商周之際道在箕子箕子陳疇疇乃治天下之大
 法也宋元之際道在許子許子興學學乃治天下
 之統功也清明之際天固慎簡一人焉付之以斯
 文而寄之以道系先生夙昔自命斷不敢落二子
 後而當世之所仰望先生者亦且有同心矣逢幼
 而有志耄無所聞於先生有知己之感日誦內外
 篇而手評之復不禁中心之嚮往也徵君乃海內
 第一流人其推尊之也如此又寄公以蕪門圖擬
 公以當今姚許高山流水托於鍾子期之知音焉
 時又有兵部尚書中州李際期稱其振大道之要
 領攻後學之膏肓莊誦一過便覺氣質為之一變
 公又讀薛文清讀書錄摘其要者刻之曰讀書錄
 纂要蓋自是海內言理學者咸推尊公公則未嘗
 以是標榜嘗誦述邵二泉先生語曰寧為真丈夫

勿爲假道學是歲吏部題爲欽奉

恩詔事公父拙菴公贈徵仕郎吏科右給事中母張氏妻韓氏繼妻袁氏並贈孺人

甲午公三十九歲

時連歲大水民多流移公惻然傷之乃上疏題爲流民死傷堪憫乞

聖恩大發賑濟事疏入

上爲大感動奉

聖旨饑荒流徙民不聊生朕深切憫念這本沿途賑濟

隨地安插並勸懲鼓舞事宜俱屬急務着速詳議具奏該部知道遂發銀二十四萬兩差吏部尚書王永吉等分往各府賑濟饑民全活者甚衆蓋曠典也公又於里中令家人煮粥以濟流民所全活數千人六月陞兵科都給事中公上疏直糾庸懦大帥續順公沈永忠有旨令沈永忠自行回奏其後革去公爵戴罪立功時將舉行軍政考察天下武職官員公上續陳軍政事宜疏部覆行之是歲軍政肅然時停止巡方御史而督撫不行舉劾

衙役蠹惡無所懲戒公上請定督撫舉劾之例一
疏凡督撫到任後滿一年者舉劾文武一次衙蠹
一年嚴拿一次奉

旨俱如公議行時 詔舉山林隱逸公上疏言圖治首
重用人 恩詔務期實遵 旨避之各省於是多
有舉者

乙未公四十歲

值會試公上南北分卷宜公人才庶無淹滯疏自
是南北中卷以人數多寡定取額時四川雲貴湖

南廣西瀕海俱未底定公上疏敬陳用兵大勢仰
乞先定廟算明賞罰以圖天下之太平公又上六
疏一曰破資格以用言官一曰定會計以清財賦
一曰興教化以正風俗一曰重農功以資兵力一
曰講律令以清刑罰一曰竣大工以恤民生時有
山賊高三自山西之五臺繁峙孟縣樂平真定之
平山阜平贊皇等處徃徃被其蹂躪公上疏請令
直隸山西合剿務在必獲其後直隸山西合剿賊
計窮始降兩地人民俱有安枕之日矣時福建提

督楊名高怯弱無能失陷漳州公上疏糾之名高遂被處公之在兵垣也于天下兵機之事尤爲留心凡戰守攻取賞罰知無不言

上於是有大用公之意 上在太和門左東室與諸王坐令大學士圖海傳諭引見俾 諸王皆知之又於五鳳樓內數召見面詢其庚甲時在廷皆知上之注意於公也是歲武會試公又以兵科蒙

欽點分房事竣有 旨令公內陞吏部補公太常寺少卿提督四譯館未幾副都御史缺 上遽陞公爲

都察院左副都御史公語人曰本意托跡清卿讀書數載以備顧問乃蒙 聖恩超擢如此其何以報 上又令學士麻勤吉宣公至中和殿諭以此番擢用出朕之意非有他人薦舉不可聽人引誘須力破黨羽之習以副眷注公稽首謝時銓法壅滯公上疏陳六款一去生員之教習一嚴教職之舉劾一裁抑州縣吏員不許考佐貳以選貢生爲之一重通判之職作州縣陞缺一鴻臚卿留作京堂陞轉一佐貳官員缺按季報部院 上嘉納之

十二月 上賜公御筆畫一幅又賜馬一疋是年
三月子嘉孚生

丙申公四十一歲

上駐南苑閣武召廷臣賜宴行宮各賦詩應制詩曰海
甸春風蒲昆明瑞氣開六師貔虎動八陣軒轅來
魚藻歌周讌金莖賜漢杯修文兼耀武天眷懋隆
哉夏月同高念東梁葵石楊崑嶽瀛臺啟事聽太
液池流水聲賦一絕句云千頃琉璃太液圖幾行
鳧雁唼菰蒲石橋一枕聞流水夢入扁舟舊五湖

蓋公之心澹然於富貴故在廊廟之間而瀟灑如
此也時 上御製之書有戒殺彙鈔人臣做心錄
資政要覽順治大訓勸善要言範行恆言孝經衍
義等書公上疏請頒賜天下以善世化俗蓋公之
以仁義事君如此時海內漸平風雅騰起公與鉅
鹿楊猶龍永年申鳧盟內丘喬文衣太倉吳梅村
合淝龔芝麓唱和四方詩人多酬答之公于是有
觀始集之選時雲南土司不肯投順而沿海造船
所費不貲公上疏言洞蠻所以不歸者以 朝廷

欲追其前朝勅命但期歸順給以新命不必追之
太蚤沿海一帶船必不能下海不若據守險要使
其片板不得到岸久之自困後卒用公之策沿海
得安寇不復入犯矣

丁酉公四十二歲

正月

上諭撒太學士成克鞏回內閣廷推公堪任總憲遂蒙
點用公受 上之知思圖獻納乃上修憲綱以明
職掌疏 上命酌議其奏公因日食陳言上實圖

修省以祈天祐疏末云願

皇上深思遠慮救之于未變之前修德修刑持之于既
變之後念海宇之初平則以寬大為務恐驕盈之
易至則以節儉為先民力將竭用一緩二疆場靡
寧招攜懷遠云云奉 旨這奏內事關朕躬的知
道了餘着詳確議奏內外大小臣工務各洗心盡
職實圖修省部議皆允行之時國用不足公以為
宜行屯田乃上疏敬陳軍屯大政以定足國阜民
之善制事下部議未行是歲

單恩封公會祖樂吾祖父乾仲父拙菴三代如公官曾
祖母馮氏趙氏祖母張氏程氏母張氏並爲一品
夫人

戊戌公四十三歲

時撫按沿明季舊習薦語事浮詞貪酷官員部文
到日方行提問公上疏以爲薦舉宜有實政貪酷
難以姑容部議行之經筵侍講講漢文帝春和之
詔一條公又上時際春和請法天道以行仁政疏
一曰恤災獨一曰掩骼一曰課農桑一曰舉

行俱下部議行之時民間困弊衛所沿襲舊例躲
避差徭逋欠糧賦公以爲欲足民必先清衛于是
上疏言興利除弊之大莫若裁併衛所丁田歸之
州縣以足財用以蘇民生部議如公所請是年夏
上命作楞嚴會解序公具稿進呈大意歸重於三皇五
帝之治天下神而化之使下各復其性仲尼刪詩
書正禮樂教天下萬世之人而孟軻氏復闡明生
善之理以拒當世之淫詞邪說

皇上仁覆萬物以是爲化導助教亦使天下之人同歸

于本性之至善而已蓋公之學以性善爲宗于此
露其大端矣

上覽而嘉之刻列經首時海內文教日盛崇尚風雅公
於是有唐詩清覽集之選秋 上獵于南海子命
公從賜食於黃幄中詢及民間收穫公對以小民
艱難所收僅足供糧 上又言古之人君唐太宗
真宗英主又論及在廷羣臣賢否是時同在黃幄
中者李蔚梁清標王熙曹本榮也是日

上賜公所乘馬燒獐兔割而啖之次日

世祖命諸臣作詩以咏公應制詩云凌晨謁黃幄煙中
雨露微過橋平野濶吹角絳旗威雲破饑鷹出草
鳴鐵騎歸 天顏思喜起作賦近光輝他日公又
從獵見黃羊突起

世祖指示之曰口外之獸此最善走也公有絕句紀之
云玉靶雕弓斜控鞍箭如鷗叫萬人歡儒臣後騎
承 恩寵指點黃羊親與看蓋君臣之浹洽如此
時科臣王命岳上疏請查河南山東兩省荒地着
九卿會議允行差御史往察

上命都察院保奏公保御史李森先李騰龍再保陳棻
又上察荒業有成命察法尤宜簡易疏凡七款一
分步弓之分寸一減隨察之官員一清飛詭之積
弊一減儀從之繁文一禁造冊之加派一寬開墾
之新地一定察荒之限期部覆議俱奉

旨允行仍令公定期限僅定五月報命御史登堂稟曰
二省道路遙遠察荒必須親到老堂翁定限止五
月如何能了其事公應之曰御史若逐府逐州逐
縣親身丈量地畝卽十年亦不能完若令各府各

州各縣自爲丈量而御史總其成卽兩月可畢其
局五月之限不爲不多矣御史乃豁然大悟是時
河南山東之人深恐查報煩擾而公行所無事蓋
公之識見如在高處立無遠不見人始服其爲民
之切也時有流寇餘黨孫可望自湖廣歸順封以
義王伊具疏向

上借銀又爲其弟討勘合公上直糾陳請之非以正悖
謬之罪疏言可望悖禮背義越分干名疏上可望
大懼

世祖皇帝大悅差學士麻勒吉召公至內院宣 旨云
爾上疏之言最是如此乃不負職掌但以其遠人
未歸故寬之耳可望自此蹉落諸事收斂矣
己亥公四十四歲

二月雲貴平公同大學士馮銓啟奏于乾清門

世祖謂馮公與公曰雲貴蕩平朕喜兵戈自此偃息也
公於是有滇黔已歸聖化朝廷撫恤必周一疏內
言蠶叢魚鳧之區金齒繡面之地威角崩而恐後
並稽首以來王誠所謂兵不血刃有征無戰者也

但李定國逃遁永昌其勢已迫若果悔罪來歸不
妨許以封侯之爵倘怙惡不悛便當窮兵追討并
底遊魂其何能久若夫捐無名賦稅以慰新附之
民薦地方人才以收巖穴之士用楚粵科貢以任
守土之官恤投誠文武以來膚敏之彥寬一切法
網以安溪洞之蠻事關各部宜拯溺救焚恤此殘
黎奉

旨部議之是年三月奉 上諭加公太子太保蓋以公
自服官以來知無不言言無不盡特加官銜以榮

之公在寓 上令學士傳至西苑賜坐言及南方
有溺女之事公對以臣亦聞之 上曰忍心害理
莫此爲甚是宜有疏也公退而具疏以聞

世祖皇帝旨曰這本內溺女惡俗殊可痛恨着嚴行禁
革于是學士王熙曹本榮有講筵恭紀以誌其事
大學士成克鞏衛周祚李霽爲之序大學士馮銓
金之俊爲之讚都俞喜起之風殆無以過之矣時
有打磨廠菜園圈佔公肩輿行南城察院公署有
百姓數百號泣云廠南菜園空地住有千家今大

興縣票傳奉戶部堂牌云係嘉蔬署官地百姓無
棲公曰勿啼爲爾請 命也卽具疏以聞

上欣然從之免圈至今打磨廠百姓口祝 上恩也是
年六月內海寇鄭成功率衆二十萬乘海舟突犯
鎮江瓜州陷其城撫鎮皆敗乘勝遂圖江寧賊船
逕至安慶江北大震

世祖皇帝議親征漢官應扈從者公在其內未幾總兵
梁化鳳大破之公又上征剿鄭逆疏內言操江撫
臣倏居安慶倏居京口相離寫遠終是鞭長莫及

莫若舉一善水師之將練舟長江控扼京口撫臣
只管上江一帶又選擇大帥又撥兌漕糧又題用
文武其四款俱允行之至今京口駐防遂爲定例
冬

世祖獵於薊州公上疏諫

世祖命學士麻勒吉傳至內院以原本付之傳 旨曰
我不日卽回矣

庚子公四十五歲

正月春公陪祀南郊祈穀陪祀有咏云農務肇嘉

禮鸞輿出鳳樓威儀肅漢典甲仗控吳鉤暖氣回
春律精誠備庶羞豐年欣有咏端拱可垂旒陪祀
方澤有咏云方澤近城陰春來爽氣侵鐘聲雲外
轉柳色雪中沉侍衛迎華輦星燈照夜林馨香惟
主德作頌繼元音

世祖皇帝因亢旱下罪己之詔令群臣自陳公痛陳已
罪力求罷斥奉 旨革去公太子太保並加一級
公愈加小心自思補過而已於是有嚴禁巡風御
史交通各官以肅風紀一疏有糾叅不職御史一

疏有特叅南贛撫臣玩寇殃民一疏有裁革巡風
衙門承差及納銀吏一疏有嚴禁外官宴會饋遺
一疏有請行糾拾之典以補甄別所未及一疏公
又有酌議應行事例以肅臺政一疏又有再陳應
行事宜以肅臺政一疏又有指陳畿輔盜賊充斥
之根源總由滿洲莊屯防範之疎縱一疏又有請
設漢官僉都御史一疏又有海寇有可滅之機敬
陳攻剿之良策密疏其疏俱載奏疏集內又有捐
助之來歷未明大臣之廉恥宜勵一疏又有遵諭

據實條奏一疏又有人才之教諭宜蚤旗下之科
目應復一疏又有詳陳救荒之政一疏又有請行
發帑之例省有司之費除貪黷之根以清吏治以
安民生一疏其疏大意以民生之困皆由于有司
之貪有司之貪亦非有司之罪也謁選京師近者
已費數十金遠者二三百金選者守候二三年速
者一年半年投供畫氈賃房屋覓長班見官長赴
宴會其費不貲未任揭取京債到任必須償還是
以有司雖欲清廉而不能莫如行發帑之例拔本

寒涼改絃易轍天下民生幸甚此疏關係吏治民生甚大事下部覆初議行之甚便于有司又有欲求治安良策必先立國之大本以求泰交之實政疏內言天下未平皆由徵求太急刑罰太繁以致良法美意不能膏潤於窮簷今當獎進直言激發唯諾有唐虞喜起之風無上下否塞之象共尚寬大平易之術勿為刻薄瑣屑之計期於風俗仁厚刑獄止息風雨調和順天道而合人情等語奏上旨云刑罰太繁所指何事公回奏以聞是夏刻小學集

註完時天旱已久雨澤不降多方祈禱不應大學士某懷奸結黨傾害善類上心惡之屢加訓飭不悛舉朝怨憤知不敢言公曰吾受上知最深顧可畏避而不言哉遂上政本之地宜清邪臣之惡已極據實糾叅一疏

世祖皇帝覽疏震怒勅諸王大臣九卿科道會審

旨下甘霖大沛又以公居憲職不蚤糾叅革職送刑部擬罪公與某對質某人詞屈諸王九卿科道咸直公覆疏抵某人罪復公官爵如故

世祖皇帝面加覆核賜公食公退居私寓研究經學刻所輯四書大全纂要方事之未結也公勢孤寡援人咸危之而公伏案讀書未嘗有鬱抑之色但曰聖明在上豈有不白之理卽罷斥歸田吾從黃綺而沒齒矣復何憂哉

辛丑公四十六歲

公在私寓候補

世祖皇帝崩時正月初八日也公入哭大慟服斬衰朝夕擗踊灑淚作輓

太行皇帝詩八首未幾公奉 旨仍掌都察院事

上初卽位未親政事皆決於四輔臣八月公自陳不職求去奉 旨慰留十一月蒙

上賜玄狐帽貂鼠朝衣是時以財用不足加派天下地畝錢糧五百餘萬公上疏請合計天下之兵食停止加派以培國本以恤民力疏入隨奉

上諭停止人心大悅一時學士大夫爲詩歌以贊頌之壬寅公四十七歲

時

聖祖母太皇太后猶稱皇太后 聖母皇太后猶稱皇

貴妃人莫有言公與同官寧古里言曰焉有

皇上即位踰年改元已久而不加尊稱者遂上疏請加

聖祖母太皇太后 聖母皇太后之尊稱奉 旨會議

舉行六月內有通行結事之限以勵明作之政一

疏有罷雲南之大兵以省財賦慎荆襄之要害以

杜亂萌疏內云荆襄為天下腹心宜擇一大將領

精兵數千常駐其地無事則控扼形勢可以銷奸

宄之萌有事而提兵應援可以據水陸之勝故坐

鎮一處而滇黔川粵俱有磐石之固矣所謂百年

久遠之計而非徒為今日一時之謀也部覆不能

行其後雲貴變亂數省動搖論者乃嘆公之先見

云九月奉 旨命往薊州鳳臺山相視

世祖皇帝山陵地公同欽天監諸臣疋馬往來于荆棘

開登馬蘭峪狼兒窩龍洞峪涉潞河夜宿帳房天

大雨雪坐亂石流水閒公有絕句以紀之云舊是

長城烽火臺高峯崩劣倚天開而今已見真人氣

雲物先從龍洞來其二云葉落平原草尚肥 上

公獵騎競合圍晚來分得雙肩兔一道寒光照短
衣事竣回奏復同禮部再行詳審之 旨公再至
薊州而山陵已定

癸卯公四十八歲

二月公循例考滿

上云魏裔介才猷敏練勞績素著着加太子太保賜羊
酒表裏各三疋吏部尚書缺九卿科道會推咸舉
公復補授吏部尚書公整肅銓政杜絕夤緣蒲漢
同寅協恭部政一新人才疏通無壅滯者

甲辰公四十九歲

纂修拙菴公所修栢鄉縣志及魏氏家乘捐貲刻
之孫鍾元徵君人品甚高著書甚富屢徵不起有
人誣其譏訕者公察其誣爲白其寃冬武會試

上以大學士衛周祚及公爲大主考取武進士一百餘
人公有詩云海宇妖氛已蕩平 聖朝耀德復觀
兵垂綸自有鷹揚佐緩帶豈專叔子名輔弼憂勤
思國士省臺諮議守嚴更應知牝牡驪黃外索駿
空群百代情十一月公補授內秘書院大學士時

詔求直言左都御史龔鼎孳上疏請赦公力贊之
赦詔內善政甚多長星銷而不見

乙巳公五十歲

著聖學知統錄自伏羲以來至于許魯齋薛敬軒
皆詳考而論次之又以格物之解紛如聚訟作致
知格物解大意言窮至事物之理窮至于至善處
也容城孫徵君寄書曰窮理盡性至命一以貫之
無錫錢肅潤甬上陳鴻績序之時有江南大儒陸
世儀字桴亭令其徒四子沙一卿周鼎新邵植曹

未來從學沙一卿讀知統錄而大有悟慨然曰天
者性所從出也性至善者也性無不善其有不善
者氣質耳此孟子之所謂性非諸儒所可及也是
錄出而前千百年授受之統于此而定後千百年
教學之統亦于此而定矣

丙午公五十一歲

公請假省視墳墓八月出京縉紳士大夫送于國
門之外者車數百輛至里祭告祖考墳墓焚黃建
碑捐銀四百兩修文廟造橋梁獻對聯于文廟至

聖先師殿云江漢秋陽肖聖心之體嘆意必固我
之絕無湛然大虛本性萬年未發金聲玉振備至
德之全惟仕止久速之各當浩乎元氣斯文千古
在茲

丁未公五十二歲

春正月至京卽入院辦事有科臣柯聳上疏請以
方孝孺從祀孔子廟廷大學士班公極言孝孺之
誤國欲公擬旨斥孝孺公力以爲不可曰孝孺
夷齊一流人也竟不從七月初七日

皇上親政頒赦詔於天下公以從一品廕一子遂送勳
爲廕生而以勳先得四品官生子弟裔伺篤手足
之愛也

上旣親政天性仁慈無疾言遽色公以爲堯舜之資進
退應對恂恂不失尺寸上亦重公凡有所詢問
盡忠以告所薦舉皆不告之于人八月有旨命
公祀至聖先師九月命公同冢宰杜立德主考武
會試十一月冬至奉

世祖章皇帝配享

上帝皇地祇並奉冊寶上

聖祖母

太皇太后

聖母

皇太后徽號蒙

覃恩贈公會祖樂吾祖乾仲父拙菴俱為光祿大夫太

子太保內秘書院大學士加一級曾祖母馮氏趙

氏祖母張氏程氏母張氏俱贈一品夫人

戊申公五十三歲

夏旱 命內外通行熱審公有詩紀之秋大水直

隸河北河南民田大壞而山東尤甚撫院甘文焜

查報公擬 旨蠲免民稍得生是秋八月復命公

祀至聖先師

已酉公五十四歲

修知統續錄自伯夷柳下惠以至顧憲成高存之

自序云天運迺行賢哲代興自董江都以下至高

存之或才力有厚薄學問有淺深時命有隆替師

友有淵源德業不同要皆篤志進修挺然自立不

惑異端潛心希古豈非所謂豪傑之士雖無文王
猶興者也其大意如此時吏部疏言直隸道府應
盡用滿洲官是日同金公巴泰在瀛臺啓奏

上詢可不可公對曰何為不可但各府州縣文皆漢字
未便翻譯須用兼通滿漢者乃可耳

上遂止其事不行

庚戌公五十五歲

上命公同禮部尚書龔鼎孳吏部侍郎王清學士田逢
吉主會試考 賜宴特命滿洲勲臣主席予表裏

花紅二月初六日入闈公矢公矢慎誓之於神進

呈題之後公即擬作三篇卷至晝夜閱視無一字

不經目有文可頡頏而難以定去取者必合前後

場比較以定其去取又諭諸同考官曰考試官好

取青年門生故擇文字秀嫩者入選殊不知積學

之士困苦一生其文必出經入史命意高遠修詞

古奧若不加意搜索則彼終無出頭之日矣切不

可也是科文最典雅高古得人最盛以宮夢仁為

首榜如李公諱光地張公諱鵬翮郭公諱琇徐公

諱 乾學趙公 諱 申喬王公 諱 掞李公 諱 振裕陸公

諱 隴其邵公 諱 嗣堯皆榜中士也江南選文家如

盛珍示蔡九霞王惟夏許燕及等皆以為起數十

年之衰如歐陽文忠公之主試文體一變云是年

十二月第三子荔彤生孕時屢有佳兆其母夢院

內有高竿雙燈公又夢有鶴啣赤實來巢屋樑

辛亥公五十六歲

春公有疾辭歸或曰公年尚壯何遽萌是念公曰

仕宦豈有定期哉昔唐李日知為刑部尚書屢乞

骸骨許之將請不謀於家歸乃治行明章楓山四

十一歲便乞致仕知止不辱知足不殆古人之所

尚也吾病既深何可久居私寓以誤國事遂上疏

陳疾力辭

上以公輔弼久不欲遂公請乃溫旨褒嘉曰卿才品優

長簡任機務正資贊理覽奏患病情詞懇切准辭

任回籍調理病痊起用公既得予告之 旨又調

理二月遂出國門簷帷蕭然從者數人別無行李

一時縉紳餞送者數百人詩章多有可述至里彙

而刻之名曰青門集是冬公閱宋人陸務觀詩集八十五卷仍選定令人抄成一集蓋務觀詩識見超踔風味雋永與眾迥然不同故公晚而好之是冬為兒嘉孚行納徵禮于梁少宰臘月為嘉孚娶于梁氏

壬子公五十七歲

公在真定督子姪勲男等入滙景園閉戶課文公喜而咏之云罷相歸來問菱荷荒園老屋映庭柯文章應許如班馬詩賦還應擬李何偶向高齋

尋寂樂時烹香茗對籐蘿春來桃李爭先發喜見烏衣磊落多春

世祖章皇帝實錄告成 上諭吏部

皇考實錄告成克昭一代之典章永垂萬世之模範監修總裁等官著有勤勞宜加寵錫加公為太子太傅公具疏控辭奉 旨

世祖章皇帝實錄告成關係大典卿董率纂修著有勞績所加官銜已有諭 旨着祇遵成命不必控辭是夏居栢鄉輯孝經註義纂集格言曰瓊琚佩語

詞林孫屺瞻曰註義補先儒所未逮為後學之津
梁六經奧義首在於茲有裨聖學非淺鮮也瓊瑤
佩語一編格言正訓惟是力行未能時時撫躬滋
咎耳屺瞻者名在豐亦庚戌科所取士也公又命
屺瞻書鑑湖堂扁取唐人賀知章鏡湖一曲之義
懸之於肯逸園園在城東南趙氏之菜圃也售之
于公草堂三閒舊亭一座黃山數尺而已公嘗咏
子美詩云水深魚極樂林密鳥知歸湖中有小舟
每與友人徜徉蒹葭白露之間與鷗鷺為隣作南

湖釣艇賦秋八川

上又欽賜公雲緞七表裏青馬一疋鍍金鞍轡一副白

金一百兩公具疏謝又奉 溫旨焉是科順天鄉

試姪勰中式未幾公弟辦若病故公哭之慟有詩

云垂髫曾共頌奇書自許才華世不如蹭蹬中年

始發跡迤邐一令便懸車治留棠蔭稱遺愛詩積

青箱是蠹魚此後五人中少爾臨風灑淚滿衣裾

又諸昆濟濟樂笙簧九月猶同宴一堂叢菊花殘

陶令死青山酒渴謫儻亡柳庄作賦空驢背午水

臨流罷野航寄語姪曹須珍重生平著作謹收藏
蓋公之篤於手足如此又有思故友楊方伯詩云
老來無友爾堪傷閱盡朝華與夕陽曾許且亭續
子美誰知河內損嵇康孤城畫角樓空倚紫塞征
鴻背有霜聊與鄉人忘爾我風流今識展禽狂

癸丑公五十八歲

春日公常攜友人遊張村園亭是歲孫北海寄一
聯云文中子門多將相郭令公身係安危又一聯
云司馬有時稱獨樂希文無地不先憂蓋以溫公

文正許公也

甲寅公五十九歲

值三逆之變征南大兵過槐水有蒲漢中書舍人
來謁公詢以方畧有江南人余讜對曰進言者云
賊鋒正銳宜于守公曰是也能守而後能戰耳是
年夏

大行皇后崩部文奉

旨停止哭臨不成服公上恭慰

聖懷疏

乙卯公六十歲

東坡先生集

卷之二十一

三

龍江書院

時公叔麗楡正任潮州太守不肯從賊為賊所羈
是年公以歷代古文無善本選定本題曰欣賞集

自左國迄元明皆有序文冠其卷首

而其總叙云歷代古文者

天地之符瑞人生之菁華也自伏羲畫卦倉頡作
字而大文啓矣易曰觀乎天文以察時變觀乎人
文以化成天下於是乎易以象之書以記之禮以
秩之詩以咏之春秋以正之然後天下萬事萬物
之理脩焉故五經者萬世文章之祖而夫子刪詩
書定禮樂功高堯舜以此已聖遠言湮左丘明親
炙取光猶未盡得聖人之意戰國秦季其言雜亂
兩朝稍稍復古賈誼董仲舒司馬遷班固其最也
六朝綺靡日甚唐朱之間有歐陽二三君子起其
衰而振其弊蓋必得經之意以為文而後其文足
以傳此文之所以與立德立功而並垂為三不朽
也觀選本雖多精確者少梁昭明太子文選雖稱

奇書而專務詞華真西山先生文章正宗趨向正
矣而文體割裂若近日之名世文宗古文奇賞古
文必讀等或畧而不備或駁而不純批評之語腐
穢荒謬訛以傳訛俾後生小子失所依歸而反以
錮塞其聰明迷惑其心志非所以端教化而訓蒙
士也余里居無事乃取幼所誦習古文推而廣之
摭摭搜輯考証于左國全本及廿一史各家文集
而為茲選自乙卯之夏四月至秋九月克竣厥事
一心一手不假他人蓋不遺餘力矣舊此佳者存
之訛偽者盡行芟削另出己意其文隨時代為序
次不分門類各體具備在人自得之耳雖非魯龍
繡虎之彩已盡縹囊細帙之奧質而有文庶幾乎
彬彬郁郁者也集成名曰欣賞蓋有取於陶淵明
奇文共欣賞疑義相與晰之義焉學者倘因文以
見道由古文以進於五經
即聖人之意可得而求也

丙辰公六十一歲

新濟堂文集選

卷之二十一

三

龍江書院

春爲子荔彤延趙州張元裕爲師回卽公自教之
是歲刻鑑語經世編鑑語者閱司馬溫公資治通
鑑而撮其要者公自甲辰以後卽閱通鑑全書常
苦其浩繁難記因摘其要者抄錄成帙初名鑑語
昉左丘明國語之意也宛平孫北海先生曰是書
足以經世因易此名辛亥歸里覆閱壬子又閱一
週再加增益每段之下詳畧不等識其所見而論
斷之前後有十年之力至是始付剞劂其後二年
始告竣孫北海謂自左馬以後世鮮史材茲書本

末其條采取精要評議確正經濟文章兼總無遺
申鳧盟謂其體裁同於左國識議過於廬陵天地
閒一奇書也魏雖伯謂其嚴正直追朱紫陽豈但
爲凍水之功臣乎一時遠近學士大夫爭欲得之
是年會試公姪勳中式

丁巳公六十二歲

是歲公次子嘉孚歲貢田閒無事取金壇蔣楚珍
先生四書舌存刪定之令人抄錄成書名曰四書
惺心編未能刻也著有樗林偶筆上下二卷上卷

多言性理下卷多言世務樛林者公所居之東菜園也多樛樹故名是年因爲公子嘉孚選易課自作易文二十餘篇輯先賢卜子夏集成又節抄家語而刻之八月公孫世晉生

戊午公六十三歲

是春

上命在廷諸臣及各巡撫舉薦博學宏詞之臣有陝西道御史焦榮以公應詔疏內稱公履藉翰苑品行夙著淹貫經史之學兼富著作之材學行兼優

韓富文范之儔等語然公素不識其人也總憲魏環溪曰邇來第一篇大文字也魏環溪自丙戌通籍以來與公志同道合三十餘年矣未嘗不以學問相切磋也太夫人墓誌環溪倩公爲之嘗欲自至栢鄉又欲其令嗣學誠來公皆止之惟有老友潘藏山往來耳夏著樛林續筆輯瓊琚佩語佳言玉屑等書又批四書存疑著四書捷講以訓蒙公少子荔彤延師李躋如教之是年爲荔彤結姻於保定于氏乃公丙戌同年少司寇于岱仙也九月

降平縣大水知縣不肯報災公力勸之申請撫院
題疏得免十分之三

己未公六十四歲

春公為少子荔彤選引蒙課文及墨卷親為講解

通鑑古文必讀等書是年二月內會試題至公作

擬程三篇舊大名道孔心一僑居臨清作詩云已

未科春榜未發栢鄉相國寄示擬程三章賦酬其

云沙堤久不聽鳴珂麟閣功名寓薜蘿高卧方知

天趣遠崇班轉覺世緣多淡懷時共鷄窓話妙墨

新傳象鼎歌漆硯濤鳴千頃勢化為飛雨長葑菀

其二云愁見人文八變風多將素質綴青紅衣如

楚相終歸譎貌似中郎却未工誰陟危峯窺日月
驚觀彩筆闢鴻濛名經出自調元手雲霧齊消見
碧空其三云經義掄才令典垂每隨世運轉平奇
文思落紙誰能主風氣移人自不知白鹿一燈傳
慧業青雲多士景威儀東山正好耽絲竹蕘字晨
窓尚惜時其四云山中宰相負書淫五典三墳一
往深黃閣絲綸襄雅化平泉花鳥寄幽襟宦情蚤
避爭名地儒術難忘垂教心紙貴洛陽欣再見雄
文依舊林四月長子勳以廕選補刑部四川司員外
時有戶部二缺或言其利者公正色斥之曰少年
未更事務受

朝廷恩典正好練習刑名廣行仁恕何以利為作家書
以此諭之隆平縣漳河口決淹沒民田數十村公

告其縣慰修之仍作詩勸勉不一月而堤告竣數十村之民始得佈種秋禾不至逃竄也夏六月纂補易經大全成十月嫁第三女子高邑李氏婿名李雲麗故明相國李文節公之裔孫孝廉李僕之第四子也十二月

上陽日講四書解義公具疏謝內云修身爲本列大學之首章允執其中冠魯論之末簡中庸言天德而歷叙九經三重孟子陳王道而亟稱發政施仁義蘊弘深體之有要人君爲學原不同於儒生之尋

章摘句也又云今者用人行政次第舉行小醜漸次削平尤深根本之慮貪污雖已察處更嚴狗縱之條足兵餉而仍不病乎民生阜財用而仍勿傷乎國體崇節儉獎清廉則羣工自勵恤災荒均賦役則百姓自安云云上嘉納之

庚申公六十五歲

客有詢公以何樂者答詩云偶爾三槐座今宜二仲延那知真樂地不在貴乘軒詞賦驚前輩功名讓後賢庭前花燦發許我醉如顛是月公次子西

行省公弟於平遙公長子勳陞刑部貴州司郎中
五月公少子荔彤出痘百日限足始入學爲之選
古文墨卷時文俾肄習而每日塾師所授書必親
爲之講解公所著希聖錄十餘年至是始成其書
有五門二十五日一曰爲學門二曰格致日存省
日謹慎日遷改日闕距二日惇倫門三曰君臣日
父子日夫婦日兄弟日朋友三日致治門四曰宰
輔日臺諫日牧守日教化日武備四日教家門日
日勤儉日學問日敦睦日仕宦日祭葬五日涉世

門日曰願養日度量日謙忍日義命日應接蓋致
知格物正心誠意脩身齊家治國平天下俱蘊括
其中矣是歲刻女誠女孝經女論語成其女論語
則卽舊本而刪定之也女誠女孝經如舊

辛酉公六十六歲

正月十八日公少子荔彤應督學吳公科試取中
入學第七名十二月公長子刑部貴州司郎中勳
代領

上欽賜日講尚書解義到第公謹設香案望

闕叩頭祇受訖具本恭謝疏云竊念臣才識迂踈學問淺薄不過粗通章句而已若尚書二帝三王之大道敬天勤民之極則何能窺測一二蒙

皇上不忘故舊念及犬馬曾

賜日講四書解義一部發四子之心傳繼千聖之統緒

臣朝夕講解愚蒙之心日以開豁茲又蒙

御賜日講尚書解義臣展卷跪誦大義昭然虞夏商周

四代之心法治法燦然紙上

皇上括之以敬誠中而危微精一之旨平章協和之化

媿堯舜而軼湯武者其志勤道遠具見於

御製一序中矣臣雖跼伏草野讀

皇上所賜之書如侍

宸扆之側繹

皇上所製之序如聆咨傲之音臣何幸邀此曠典受此隆恩得聞所未聞以不虛此生也行見

聖子神孫奉以爲保邦致治之寶鑑官紳士庶守以爲

亮工熙績之洪謨社稷享無疆之休曆服綿維

新之慶矣二月內

皇后梓宮發行是時在京諸公多有勸公北上送 葬

者公以已係告病之官具疏陳明非敢求安逸也

蓋大臣之義如此四月內公少子荔彤歲貢入國

雍塾師李躋如丁母憂公仍自課督之七月值公

懸弧之辰公長子郎中勳以長安公卿大夫贈詩

裝屏寄至里大學士高陽李坦園先生為之序

今上

御極之二十年也七月二十五日是為栢鄉閣老

聖天子

慶時值奸萌竊發

寧息四方來致賀者公槩峻却之弗與通方今闕

粵江楚滇黔巴蜀諸地救寧底定海宇清晏正生

和樂公長君比部郎勳暨門下士之仕於朝者謀
所以為公壽而乞言于予予與公隸畿輔屬邑涿
郡於鄙城為齒錯壤則里居同丙戌試南宮竊附
公蘭譜之末則通籍同膺

世祖

章皇帝殊恩擢置典館游歷晉秩

受 兩朝之寵遇同予知公最深親炙公亦最久

其何敢辭予嘗讀歐陽脩上范司諫書謂宰相行

其道諫官行其言宰相諫官繫天下之事任天下

之責諫官雖卑與宰相等然自漢唐以來相業之

盛蕭曹房杜而下惟宋仁英兩朝為最著其時如

韓魏公琦范文正公仲淹富鄭公弼杜祁公衍歐
陽文忠公脩文潞公彥博相繼登朝照耀史冊間
要其以諫官而登宰輔者歐陽文忠一人而已今
屈指公在仕版由中秘居諫垣者十年為御史大
夫者十年由冢宰即入秉政府者七年三十年中
不為諫官即為宰相以一人之身兼歷二者之任
而獨專且久以展其嘉謨碩畫燮理參贊之猷歐

陽以後惟公一人而已公自給諫以至司憲剛正
 審諤知無不言以肅班聯也則有請舉視朝之疏
 以端士習也則有孝經取士之疏以恤民依也則
 有拯救流亡停止加派之疏以裕國計也則有綜
 核錢糧敬陳理財之疏以表忠烈也則有褒錄幽
 宜敬陳用兵大勢之疏以表忠烈也則有褒錄幽
 忠殉難事同一例之疏至若條議八策敷陳五困
 于生民之利害社稷之大計剴切敷奏殆與魏文
 貞之十思十漸相上下者上于是有才猷敏練
 之旨昇公以銓衡重任不踰年而特簡中台矣
 公勸贊廟謨平章國事為朝廷計苞桑為閭
 閻軫疾苦往往有人所不及知不及見者每于退
 食之暇自經史子集濂洛關閩百家眾說陰陽兵
 律山經地志之書無不肆力研究以佐經邦論道
 之資

皇上

方倚公為股肱心膂不可一日離左右而公屢疏
 乞休情詞懇摯特奉恩綸予告歸里一時公卿
 大夫設供帳祖道都門外京師之能詩者率為咏

歌以張大其事比之漢疏廣受在為過之公之遺
 遇榮矣哉歸則杜門掃軌窮幽探蹟凡所著述如
 知統論性約言讀書希賢諸錄以及經世惺心諸
 編清覽溯洄欣賞兼濟堂諸集汗牛充棟直與身
 等若公者出則為國家之碩輔處則為作述之大
 儒業藏名山而功垂竹帛可謂今古之偉人已歐
 陽集中所載書疏劄子動輒數千言拳拳忠悃其
 他著作類皆原本六藝為有宋一代文章之冠試
 以公頡頏其間幾幾乎鳧列而雁次者若其尋墜
 闡微旁搜遠紹毅然以斯道自任恐文忠公亦未
 之及也昔富鄭公以致政家居文潞公以太尉留
 守西都與王中丞拱辰席司封汝言司馬文正公
 光等共十三人為耆英會圖畫其像以為美是時
 文正公年最少亦已六十餘矣予雖不敢以文正
 自况然視公固兄事者也異日者邀
 聖天子光天化日之恩優游林壑從公于鹿床石几川
 雲嶺月之間亦如香山洛社故事講德談道歌咏
 太平更欲乞公以熊經鳥伸之術逍遙物外以願

聖天

養天年公其能許我否 是秋有閉吟七言絕句云

耶遂不辭而為之序 參禪煉氣皆多事只是還他一太虛晏坐不知秋

欲老星移斗轉月明初又云穩臥鄙南月掛村困

無積蓄篋無銀五經珍襲時披誦此寶真堪遺子

孫又云心印性兮性即神此真之外更無真若云

無惡並無善一點良知更何因

王陽明云無善無惡良知非善而何

又云天道原來是自然渾淪四七度周天五星日

月皆東轉如此光陰成歲年冬請庠生張靖臣為

荔彤講易經十月永年工部尚書翼公諱如錫及

公婿冀棟來與公次女行納徵親迎禮

壬戌公六十七歲

四月張西山先生自山左差人來求文集序公作

而寄之西山者京師人橫渠張子之後著作甚富

得濂洛關閩之傳與公契故為序之公長子勳陞

江西建昌府知府八月又筆削希聖錄九月為荔

彤娶婦於保定于氏

癸亥公六十八歲

正月公為少子荔彤講孝經點四書集註張閣老

直解閱韓選墨卷訂正魏氏世德家傳錄及衡山
公樂吾公乾仲公拙菴公文集未刻者皆刻之補
刻嶼舫近草秋點定諸理齋通鑑纂要閱朱文公
集完十月送栢鄉知縣邵公嗣堯歸里邵庚戌之
役公所拔士也以清直故不合於時嘗題贊公小
像云可舒則舒可卷則卷既直而剛不爲懦輒正
色立朝百僚斯勉膏澤及民匪躬蹇蹇黃閣宣猷
閉邪陳善我后之德躋於二典有言曉曉虛公以
辯勇退急流需沙以衍左圖右書鴻文日演經飽

其腹史取其巒文富范韓薦草燁燁夫豈譽私公
論不舛公像儼然公心如洗願學魯鄒詖淫是遣
古聖之蘊公開其鍵是冬批評易經存疑完

甲子公六十九歲

正月公兄鹽運使竟甫公病故公哭之慟未幾南
宮杜子靜之訃至杜諱鎮公之友也公之友無幾
孫徵君孫北海魏環溪申鳧盟楊猶龍魏運陸郝
雪海至是而零落殆盡矣公作詩輓之六月 上
諭開列原籍德望大臣起用部臣首以公名入爲

某所阻不果行秋七月十九日蔡恭人卒公次子嘉孚生母也冬公爲少子荔彤選定時藝仍朝夕講論常至子夜不倦偶病自書遺疏稿付荔彤收藏云後日卽以此疏封賁其生死了然如此

乙丑公七十歲

春正月公四女出適真定梁氏婿名允莊蒼巖相國之胞弟子也二月公姪男中進士五月選庶吉士

上臨軒親點唱名及公姪

上番問公起居甚詳因問

宛平相國曰此人是其胞姪乎對曰乃其胞弟溫州同知裔慤之子也遂蒙恩選入中秘焉其年

上賜易經日講解義公具疏謝夏公偶行蹶傷齒復傷

暑熱齒衄甚劇延醫治之痊愈然精神稍減往昔矣七月長子勳以慈母例自建昌奔蔡恭人喪歸攜江西巡撫安公世鼎并諸司道祝壽屏至長安門生徐公乾學孫公在豐巖公戎斯李公振裕王公揆等亦製屏祝公七襄壽王宛平宋長洲梁真定吳漢陽徐崑山李合肥陳澤州諸相國杜秀水

董平原諸公俱有詩遙祝備極一時之盛公皆以楮翰答謝是冬常在內室靜處屏絕外事語人曰人生七十古來稀况已位叨台閣逍遙林下著書自娛尚何分外之求哉

丙寅公七十一歲

元旦自書一聯云烏頭宰相歸林下十有六年常思乾乾翼翼白髮書生慶青春七十一載寧忘戰戰兢兢蓋公天心澄澈生死勘破故自書曾子臨終之言於柱以驗其學力到處惜乎人未之覺也

初二日賀公孀母周恭人節公七叔湖州太守諱槐祥元配也備叙古來賢臣年壽之期云率皆不過七十蓋亦自况之意耳人日果病吐血昏眩移刻方蘓公平日精神健旺以七旬之年耳目未少蔽暗燈下讀書常至夜分爲子弟儒生講解書義或批闢藝文奮筆疾書目下十行少年人所不及因齒衄之後庸醫悞投苦寒之劑致敗血停滯於內初八日復昏眩少刻醫家仍認爲痰火投以梨藕之汁病愈深矣二月公病少痊然神氣不能平

復病中猶常呼子弟至榻前朗誦諸書以自娛樂其天性好學至老不倦也四月初五日公病大作至初九日丑時正襟危坐而逝遺命刻楊公猶龍吊武侯詩於墓石其詩云定軍山下路丞相有孤墳故國空流水荒阡足暮雲君才自十倍天意竟三分行客年年過鶯啼不可聞蓋念武侯上佐奇才下視管樂且佩其鞠躬盡瘁之言而以之自命也長子勣等卽繕錄公前爲遺疏入告繼而撫臣于成龍復有閣臣病故一疏奉

古給與應得卹典禮臣復疏准與祭葬先是公立朝時曾無意中開罪於某及公病危疏入

上問及公品行某以非言加之並欲奪公卹典賴學士徐公乾學力爭得旨依禮臣議而議謚之典竟阻撓留中矣於丁卯之二月十二日欽差井陘署道周濂祭於里第于己巳之四月初三日葬公於城南路村卽聖德村之新阡徐公乾學誌其墓銘曰從盈必大始賞天啟參同起魏蕃昌施祉高平鄭國頻復其始綿延蘊崇篤生夫子翊我興運

官用儒起道弘言傳匡輔燮理移病致仕弗俟年
齒星終踰四徜徉間里急流勇退自贊云爾稽古
典學著厥統紀壽考彌性墮予仰止赤志商封銘
藏奚委宅兆食墨國安歸體利其後人綏福百祀
冢宰張公士甄象額相國李公天馥書丹先卒之
韓袁傅蔡諸夫人並會葬焉題墓表者狀元少宗
伯嚴公我斯也葬後二年辛未鄉里紳衿士庶公
舉公德行學問事業經濟堪為配食

聖廟蒙撫臣郭公世隆批云原任大學士魏公德業

文章本部院夙旣佩服准卽置主擇吉入祠復蒙
學臣顧公藻批曰看得已故大學士兼禮部尚書
魏公諱喬介河嶽鍾靈珪璋協德早歸鰲禁學貫
天人晚直鳳池功多啟沃當筵陳奏不異崇政說
書援筆成文兼似午橋相國

帝方資乎補衮人盡仰其懸車綠野平泉杜門却掃關
銘洛傳殫思窮神允為理學醇儒豈特邦家元老
乃 賜祭賜葬已邀殊恩于九天加豆加籩未永
明禮于千禩宜從公請崇祀二丁遂於是年八月

初一日迎主入祠致祭訖經事者守道邵公嗣堯
巡道許公兆麟署井陘道真定府知府馬公世恩
趙州知州龔嶸栢鄉知縣陸賓也各有批詞載鄉
賢錄中是冬奉

旨修三朝國史徵取公所著書遂將公詩文奏疏存稿
並咨送部院載入國史永垂不朽云

兼濟堂文集選卷之二十一終

